



09448

春秋穀梁傳序

晉范甯武子撰

東

昔周道衰陵乾綱絕紐禮壞樂崩彝倫攸斃弒逆篡盜者國有淫縱破義者比肩是以妖災因豐而作民俗染化而遷陰陽爲之愆度七曜爲之盈縮川岳爲之崩竭鬼神爲之疵厲故父子之恩缺則小弁之刺作君臣之禮廢則桑扈之諷興夫婦之道絕則谷風之篇奏骨肉之親離則角弓之怨彰君子之路塞則白駒之詩賦天垂象見吉凶聖作訓紀成敗欲人君戒愼厥行增修德政蓋誨爾諄諄聽我藐藐履霜堅冰所由者漸四夷交侵華戎同貫幽王穀梁傳

序

一 浙江書局補刊

以暴虐見禍平王以微弱東遷征伐不由天子之命號令出自權臣之門故兩觀表而臣禮亡朱干設而君權喪下陵上替僭逼理極天下蕩蕩王道盡矣孔子觀滄海之橫流迺喟然而嘆曰文王旣沒文不在茲乎言文王之道喪興之者在已於是就大師而正雅頌因魯史而脩春秋列黍離於國風齊王德於邦君所以明其不能復雅政化不足以被羣后也於時則接乎隱公故因茲以託始該二儀之化育贊人道之幽變舉得失以彰黜陟明成敗以著勸誡拯頽綱以繼三五鼓芳風以扇遊塵一字之褒寵踰華袞之贈片言之貶辱過市朝之撻德之所助雖賤必申義之所抑雖貴

必屈故附勢匿非者無所逃其罪潛德獨運者無所隱其名信不易之宏軌百王之通典也先王之道既弘麟感化而來應因事備而終篇故絕筆於斯年成天下之事業定天下之邪正莫善於春秋春秋之傳有三而爲經之旨一臧否不同褒貶殊致蓋九流分而微言隱異端作而大義乖左氏以警拳兵諫爲愛君文公納幣爲用禮穀梁以衛輒拒父爲尊祖不納子糾爲內惡公羊以祭仲廢君爲行權妾母稱夫人爲合正以兵諫爲愛君是人主可得而脅也以納幣爲用禮是居喪可得而婚也以拒父爲尊祖是爲子可得而叛也以不納子糾爲內惡是仇讐可得而容也以廢君爲

穀梁傳

序

二 浙江書局補刊

行權是神器可得而闕也以妾母爲夫人是嫡庶可得而齊也若此之類傷教害義不可強通者也凡傳以通經爲主經以必當爲理夫至當無二而三傳殊說庸得不棄其所滯擇善而從乎旣不俱當則固容俱失若至言幽絕擇善靡從庸得不竝舍以求宗據理以通經乎雖我之所是理未全當安可以得當之難而自絕於希通哉而漢興以來瓌望碩儒各信所習是非紛錯進裁靡定故有父子異同之論石渠分爭之說廢興由於好惡盛衰繼之辯訥斯蓋非通方之至理誠君子之所歎息也左氏豔而富其失也巫覡梁清而婉其失也短公羊辯而裁其失也俗若能富而不巫清

而不短裁而不俗則深於其道者也故君子之於秋沒身而已矣升平之末歲次大梁先君北蕃廻軫頌駕于吳乃帥門生故吏我兄弟子姪研講六籍次及三傳左氏則有服社之注公羊則有何巖之訓釋穀梁傳者雖近十家皆膚淺末學不經師匠辭理典據既無可觀又引左氏公羊以解此傳文義違反斯害也已於是乃商略名例敷陳疑滯博示諸儒同異之說昊天不弔大山其頽匍匐墓次死亡無日日月逾邁跂及視息乃與二三學士及諸子弟各記所識并言其意業未及終巖霜夏墜從弟彫落二子泯沒天實喪予何痛如之今撰諸子之言各記其姓名名曰春秋穀梁

穀梁傳

序

永懷堂

傳集解

春秋穀梁傳目錄

卷一

隱公

盡三年

卷二

隱公

盡十一年

卷三

桓公

盡七年

卷四

桓公

盡十八年

穀梁傳

目錄

永懷堂

卷五

莊公

盡十八年

卷六

莊公

盡三十二年

閔公

盡二年

卷七

僖公

盡五年

卷八

僖公

盡十八年

卷九

僖公

盡三十三年

卷十

文公

盡八年

卷十一

文公

盡十八年

卷十二

宣公

盡十八年

卷十三

穀梁傳

目錄

永懷堂

成公

盡八年

卷十四

成公

盡十八年

卷十五

襄公

盡十五年

卷十六

襄公

盡三十一年

卷十七

昭公

盡十三年

卷十八

昭公

盡三十二年

卷十九

定公

盡十五年

卷二十

哀公

盡十四年

穀梁傳

目錄

永懷堂

卷二十一

盡十四年

卷二十二

盡十五年

卷二十三

盡十五年

卷二十四

盡十五年

卷二十五

盡十五年

秋穀梁傳目錄

春秋穀梁傳卷一

晉豫章太守順陽范甯集解

明後學東吳金蟠較訂

隱公

元年春王正月

隱公之始年周王之正月也杜預曰凡人君即位欲其體元以居正故不言一年一月也

雖無事必舉正月謹始也謹君即位之始公何以不言即位據文公言即位

成公志也成隱讓桓之志焉成之言君之不取為公也言隱意不取為魯君也公君也

上言君下言公互辭○焉於虔反君之不取為公何也將以讓桓也讓桓正乎

穀梁傳 卷一 隱公 承懷堂

曰不正隱長桓幼春秋成人之美不成人之惡隱不正而成之何也

將以惡桓也不明讓者之善則取者之惡不顯○之惡烏各反惡桓烏路反其惡桓何也隱將

讓而桓弑之則桓惡矣桓弑而隱讓則隱善矣善則其不正焉

何也據善無不正春秋貴義而不貴惠惠謂私惠信道而不信邪信前字古今所用

孝子揚父之美不揚父之惡先君之欲與桓非正也邪也雖

然既勝其邪心以與隱矣終歸之於隱是已探先君之邪志而

遂以與桓則是成父之惡也兄弟天倫也兄弟先後為子受之

父為諸侯受之君隱為世子親受命於惠公為魯君已受之於天王矣已廢天倫而忘君

父以行小惠曰小道也弟先於兄是廢天倫私以國讓是忘君父若隱者可謂輕千

乘之國。蹈道則未也。未履居正之道

三月。公及邾儀父盟于昧。

邾附庸之國。昧魯地。邾音誅。儀父凡人名。字皆音甫。後放此昧。左氏作蔑。

團及者何。內為志焉爾。內謂魯也。儀字也。父猶傅也。男子之美稱也。

傅師傅附庸之君。未王命。例稱名。善其結信於魯。故以字配之。其不言邾子何也。據莊十六年邾子卒。稱邾子。

邾之上古微。未爵命於周也。邾自此以上是附庸國。上時掌反。不日其盟。淪

也。日者所以謹信盟變。故不日。七年公伐邾是也。昧地名也。

夏五月。鄭伯克段于鄆。

段有徒眾。攻之為害必深。故謹而月之。鄆鄭地。鄆音偃。

穀梁傳

卷一 隱公

二 承懷堂

傳克者何。能也。何能也。能殺也。何以不言殺。見段之有徒眾也。

言鄭伯能殺則邦人不能殺矣。知段眾力彊盛。雖國君能殺之。段鄭伯弟也。何以知其為弟也。

殺世子母弟目君。以其目君知其為弟也。母弟同母弟也。目君謂稱鄭伯。段弟

也。而弗謂弟。公子也。而弗謂公子。貶之也。段失子弟之道矣。賤

段而甚鄭伯也。賤段謂不稱公子。公弟甚鄭伯。謂目君也。何甚乎鄭伯。甚鄭伯之處

心積慮。成於殺也。雍曰。段恃寵驕恣。彊足當國。鄭伯不能防閑。以禮教訓。以道縱成其罪。終致大辟。處心積

思。志欲殺弟。辟于鄆。遠也。猶曰取之其母之懷中而殺之云

爾。甚之也。段奔走乃至於鄆。去已遠矣。鄭伯猶追殺之。何以異於採其母懷中赤子而殺之乎。君殺大夫。例不地。甚

鄭伯之殺弟。然則為鄭伯者。宜奈何。緩追逸賊。親親之道也。親

無將將而必誅焉此蓋臣子之道  
所犯在已故可以申兄弟之恩

秋七月天王使宰頭來歸惠公仲子之賵

宰官。頭名。仲字子宋姓也。婦人以姓配字。明不忘本。示不違同姓也。妾子為君賵當稱諡成風是也。仲子乃孝公時卒。故不稱諡。賵例時書月以謹其晚。

賵况阮反。註同。賵芳鳳反。

傳母以子氏  
妾不得體君。故以子為氏。平王初有幽王之亂。遷于成周。欲崇禮諸侯。仲子早卒。無由追賵。故因惠公之喪而

來賵之。仲子者何。惠公之母。孝公之妾也。禮賵人之母則可。

賵人之妾則不可。君子以其可辭受之。其志不及事也。常事賵不書賵。

者何也。乘馬曰賵。衣衾曰襚。貝玉曰含。錢財曰賻。四馬曰乘。含曰實。乘繩。

證反。襚音遂。合戶暗反。又作賻。賻音附。

穀梁傳 卷一 禮公 三 永懷堂

九月及宋人盟于宿

傳及者何。內卑者也。宋人外卑者也。卑者之盟不日。卑者謂非卿大夫也。

凡非卿大夫盟信之與不例不日。宿。邑名也。

冬十有二月祭伯來

祭側界反。

傳來者來朝也。其弗調朝何也。寰內諸侯非有天子之命不得

出會諸侯。不正其外交。故弗與朝也。天子畿內大夫有采地。謂之寰內諸侯。寰音縣。古

縣字一音。寰又音患。聘弓。矢不出竟。場束脩之肉。不行竟中。有至尊者

不貳之也。聘遺所以結二國之好。將彼我之意。臣當稟命於君。無私朝聘之道。鍊音候。又音候。竟本或作境。場音

亦遠唯季反  
好呼報反

公子益師卒

傳大夫日卒正也

君之卿佐是謂股肱股肱或虧何痛如之故錄其卒日以紀恩不日卒惡也

惡故略之

二年春公會戎于潛

凡年首月承於時時承於年文體相接春秋因書王以配之所以見王者上奉時承天而下統正萬國之義然春秋記事有例時者若事在時例則時而不月月繼事未則月而不書王書王必皆上承春而下屬於月文表年始事莫之先所以致恭而不曠者他皆放此唯桓有月無王以見不奉王洪爾南蠻北狄東夷西戎皆底羌之別種潛魯地會例時底本又作氏

傳會者外為主焉爾知者慮

察安審危義者行能斷仁者守之

穀梁傳

卷一 隱公

四

永懷堂

所端守必堅固乎

有以此三者然後可以出會會戎危公也

無此三者不可以會而况會戎乎

夏五月莒人入向

入例時惡甚則日次惡則月僅皆放此向舒亮反惡烏各反並同

傳入者內弗受也

入無小大苟不以罪則義皆不可受向我邑也  
自魯而言故曰我也

無佞帥師入極

二千五百人為師佞音該又戶楷反左氏作駭

傳入者內弗受也極國也

諱滅同姓故變滅言大傳例曰滅國有三術中國日甲國月夷狄時極蓋

甲國也內謂所入之國非獨魯也苟焉以人人為志者人亦入之矣不稱氏者

滅同姓。貶也。

秋八月庚辰公及戎盟于唐。

傳例曰及者內為志焉爾唐魯地。

九月紀履緌來逆女。

不親逆則例月重錄之親迎則例時。○綸音須左氏作裂繻。

傳逆女親者也。

親者謂自逆之也。

使大夫非正也。

以國氏者為其來交。

接於我故君子進之也。

傳例曰當國以國氏卑者以國氏進大

公孫篡君代位故去其氏族國氏以表其無禮齊無知之徒是

也若庶姓微臣雖為大夫不得爵命無代位之嫌既不書其氏

族當知某國之臣故國氏以別之宋萬之倫是也履緌以各繫

國著其奉國重命來為君逆得接公行禮故以國氏重之成九

年宋不書逆女以其逆者微卒書履緌亦足知其非卑者公羊

傳曰春秋貴賤不嫌同號美惡不嫌同辭左氏舍族之例或厭

以尊君或貶以者罪此傳隱公去即位以明讓莊公去即位以

表繼統文同而義異者甚衆故不可以一方求之。○為其于偽

冬十月伯姬歸于紀。

伯姬魯女。

傳禮婦人謂嫁曰歸。反曰來歸。

嫁而曰歸明外屬也反曰來歸明從外至反謂為夫家所遣。

從人者也。婦人在家制於父。既嫁制於夫。夫死從長子。婦人不專行。必有從也。伯姬歸于紀。此其如專行之辭。何也。曰非專行也。吾伯姬歸于紀。故志之也。其不言使何也。

怪不言使履緌逆之

穀梁傳

卷一 隱公

五

永懷堂

道微無足道焉爾。

言君不親迎而大夫來逆故曰微也既失其大不復猶明其細故不言使履綸也。

紀子伯莒子盟于密。

密莒地。○子伯左氏作于帛。

○或曰紀子伯莒子而與之盟。

紀子以莒子為伯而與之盟伯長也。

或曰年同爵

同故紀子以伯先也。

年爵雖同紀子自以為伯而先。

十有二月乙卯夫人子氏薨。

夫人薨例曰夫人曰薨從夫稱。

○夫人薨不地。

夫人無出竟之事薨有常處。

夫人者隱之妻也卒而不書葬

夫人之義從君者也。

隱弒賊不討故不書葬。

穀梁傳

卷一 隱公

六

永懷堂

鄭人伐衛。

傳例曰斬樹木壞宮室曰伐伐例時。

三年春王二月己巳日有食之。

杜預曰日行遲一歲一周天月行疾一月一周天二歲凡十二交會然日月動物雖行度有大量不能不小有盈縮故有雖交會而不食者或有頻交而食者唯正陽之月君子忌之故有伐

或用幣之事京房易傳曰日者陽之精人君之象驕溢專明為益所侵則有日有食之災不救必有篡臣之萌其救也君

懷謙虛下賢受諫任德自食之災為消也○為消于儒反

○傳言日不言朔食晦日也其日有食之何也吐者外壤食者內

壤凡所吐出者其壤在外其所吞

闕然不見其壤有食之者也

今日闕損而不知壤之

有內辭也或外辭也

鄒曰食者內壤故曰內辭吐者外壤

故曰外辭傳無外辭之亥者蓋時無外廢也而曰或外辭者因  
事以明義例爾猶傳云三穀不升謂之饑四穀不升謂之康亦  
無其有食之者內於日也內於日以壞其不言食之者何也知  
其不可知知也

三月庚戌天王崩

平王也

傳高曰崩梁山崩厚曰崩沙鹿崩尊曰崩天子之崩以尊也其崩之

何也以其在民上故崩之其不名何也大上故不名也夫各者所以相

別爾居人之大在民之上故無所各

夏四月辛卯尹氏卒

穀梁傳

卷一 傳公

七

永懷堂

文三年王子虎卒不日此日者錄其恩深也○尹左氏作君

傳尹氏者何也天子之大夫也外大夫不卒此何以卒之也於

天子之崩為魯主故隱而卒之隱猶痛也周禮大行人職曰若有大喪則詔相諸侯之禮然則

尹氏時在職而詔魯人之弔者不書官各疑其譏世卿

秋武氏子來求賻

天王使不正稱月今無君不稱使故亦略而書時

傳武氏子者何也天子之大夫也天子之大夫其稱武氏子何

也未畢喪孤未爵平王之喪在殯未爵使之非正也其不言使何也桓

十五年天王使家無君也桓王在喪未歸故曰無君歸歿者曰賵歸生者

曰賻曰歸之者正也求之者非正也喪事無求而有賻賵周雖不求魯不

可以不歸魯雖不歸周不可以求之求之為言得不得未可知

之辭也交譏之不書葬蓋葬雖出卒而內不葬葬猶其事也

### 八月庚辰宋公和卒

下葬宋公和卒而內不葬葬猶其事也

天子曰崩諸侯曰薨大夫曰卒周之制也春秋所稱曲存魯史

之義內稱公而書薨所以自尊其君則不得不略外諸侯書卒

以自異也至於既葬雖稱許子男之君皆稱諡而言公各順臣

子之辭兩通其義鄭君曰禮雜記上曰君薨赴於他國之君曰

寡君不祿敢告於執事曲禮下曰壽考曰卒短折曰不祿君薨

赴而云不祿者臣子之於君父雖有壽考猶若短折痛傷之至

也若赴稱卒是以壽終無哀惜之心非臣子之辭鄰國來

赴書以卒者無老無幼皆以成人之稱亦所以相尊敬

### 傳諸侯曰卒正也

正謂承嫡

### 穀梁傳

卷一 隱公

八

永懷堂

### 冬十有二月齊侯鄭伯盟于石門

傳例曰外盟不日石門齊地

### 癸未葬宋繆公

### 傳日葬故也危不得葬也

天子七月而葬諸侯五月而葬大夫三月而葬傳例曰諸侯時葬正也月

葬故也日者憂危最甚不得備禮葬也他皆放此徐邈曰文元

年傳曰葬曰會言有天子諸侯之使共赴會葬事故凡書葬皆

據我而言葬彼所以不稱宋葬繆公而言葬宋繆公者弔會之

事賻祿之命此常事無所可知矣若存沒隔絕情禮不交則卒葬

則哀其喪而恤其終亦不可矣若存沒隔絕情禮不交則卒葬無文或有書卒不書葬蓋外雖赴卒而內不會葬無其事則闕其文史策之常也穀梁傳稱變之不葬有三弒君不葬國滅不葬失德不葬言天子修春秋所改舊史以示義者也弒君之賊天下所當同誅而諸侯不能治臣子不能討雖葬事是供義何足算亡國之君喪事不成則不應書葬失德之主無以守位故



春秋穀梁傳卷二

晉豫章太守順陽范甯集解

明後學東吳葛藹較訂

隱公

四年春王二月莒人伐杞取牟婁

傳例曰取易辭也伐國不言圍邑言圍邑皆有所見伐國及取邑例時此月者蓋為下戊申衛君完卒日起也凡例宜時而書月者皆緣下事當日故也日必繼於月故不得

不書月事實在先故不得後錄也他皆放此

**傳傳曰言伐言取所惡也**稱傳曰者穀梁子不親受于師而聞之於傳者既伐其國又取其土明伐

不以罪而貪其利兩書取伐以彰其惡**諸侯相伐取地於是始故謹而志之也**春秋

始之

戊申衛祝吁弑其君完

弑君日與不日從其君正與不正之例

也祝吁衛公子○祝左氏公羊作州○效不替

夏公及宋公遇于清

遇例時清衛地

**傳及者內為志焉爾**元年與宋人盟于宿故今復尋之**遇者志相得也**八年傳

不期也然則遇有二義

宋公陳侯蔡人衛人伐鄭

永懷堂

秋翬帥師會宋公陳侯蔡人衛人伐鄭

○翬音暉

傳翬者何也公子翬也其不稱公子何也

據莊三年公子慶父帥師伐於餘邱稱公

子貶之也

杜預曰外大夫貶皆稱人內大夫貶皆去族稱名記事之體他國可言某人而已之卿佐不得言魯人

何為貶之也與于弑公故貶也

音預與

九月衛人殺祝吁于濮

濮陳地水名

傳稱人以殺殺有罪也

有弑君之罪者則舉國之人皆欲殺之

祝吁之挈失嫌也

不書氏族提挈其名而道之也衆所同疾威力不足以自固失當國之嫌

其月謹之也討賊例時也衛人不能即

毅梁傳

卷二 隱公

二

永懷堂

討祝吁致令出入自恣故謹其時月所在以著臣子之緩慢也

于濮者譏失賊也

譏其不即討乃令至濮

冬十有二月衛人立晉

立納入皆篡也大國篡例月小國時

傳衛人者衆辭也立者不宜立者也

嗣子有常位故不言立

晉之名惡也

惡謂不正

其稱人以立之何也得衆也得衆則是賢也賢則其曰不

宜立何也春秋之義諸侯與正而不與賢也

雅曰正謂嫡長也夫多賢不可以多

君無賢不可以無君立君非以尚賢所以明有統也建儲非以私親所以定各分各分定則賢無亂長之階而自賢之禍塞矣

君無雙幸之由而私愛之道滅矣

五年春公觀魚于棠

傳例曰公往時正也正謂無危事耳棠魯地○觀魚左氏作矢魚

傳曰常事曰視視朔之類是非常曰觀觀魚之類是禮尊不親小事卑

不尸大功主魚甲者之事也周禮獻人中士下士○獻音魚公觀之非正也

夏四月葬衛桓公

傳月葬故也有祝吁之難故五月乃葬

秋衛師入郕

○郕音成

傳入者內弗受也郕國也將卑師衆曰師書其重者也將卑謂非卿○將子匠反

九月考仲子之宮

穀梁傳

卷二 隱公

三

永懷堂

失禮宗廟功重者凡功輕者時莊二十三年秋丹桓宮楹是也

傳考者何也考者成之也成之為夫人也立其廟世祭之禮庶

子為君為其母築宮使公子主其祭也公當奉宗廟故不得自及妾之子○為于

偽反長丁丈反於子祭於孫止貴賤之序仲子者惠公之母隱孫

而修之非隱也非責也三年父喪畢不於三年考者又有天子崩至此服竟乃修之

初獻六羽

羽翟羽舞者所執獻者下奉上之辭作之於廟故言獻

傳初始也道以穀梁子曰舞夏天子八佾諸公六佾諸侯四佾

言穀梁子者非受於師自其意也夏大也大謂大雉大雉翟雉佾之言列入人為列又有八列八八六十四人也並執翟雉之

羽而舞也。天子用八佾，八風諸公用六，降殺以兩也。不言六佾者，言佾則羽在其中，明婦人無武事，獨奏文樂。佾音逸，殺色界。初獻六羽，始僭樂矣。謂之僭。尸子曰：舞夏自天子至諸侯，皆用八佾。初獻六羽，始厲樂矣。言時諸侯僭侈皆用八佾，魯於是始僭尸子言其始降。

### 邾人鄭人伐宋

邾主兵故序鄭上

### 螽

丁反

傳蟲災也甚則月不甚則時。甚則卽盡不及歷月禮月令曰仲春行夏令則蟲螟爲害。

### 穀梁傳

### 卷二

隱公

四

永懷堂

冬十有二月辛巳公子彊卒。

杜預曰大夫書卒不書葬葬者自其臣子事非公家所及。彊苦侯反。

傳隱不爵命大夫其曰公子彊何也。據八年無佞卒不稱公子先君之大夫

也。隱不成爲君故不爵命大夫公子不爲大夫則不言公子也。

### 宋人伐鄭圍長葛

長葛鄭邑圍例時

傳伐國不言圍邑。據莊二年公子慶父帥師伐於餘邱此其言不言圍也伐國不言圍邑書其重也。

圍何也久之也。宋以此冬圍之至六年冬乃取之古者師出不踰時重民之命愛民之財乃暴師經年僅而後

克無仁隱之心而有貪利之行故圍伐不踰時戰不逐犇誅兼舉以明之。○暴本或作曝行下孟反。

不填服來服者不復填厭之苞人民毆牛馬曰侵斬樹木壞宮

室曰伐制其人民毆其牛馬賊去之後則可還反樹木斬不復生宮室壞不自成故其為害重也

六年春鄭人來輸平

杜預曰抑而不盟曰平輸平左氏作淪平

傳輸者墮也平之為言以道成也來輸平者不果成也春秋前魯與鄭

平四年鞏與宋伐鄭故來絕魯壞前乎也

夏五月辛酉公會齊侯盟于艾

艾魯地隱行皆不致者明其當讓也

秋七月

穀梁傳

卷二 隱公

五

永懷堂

無事書首月不遺時也他皆放此

冬宋人取長葛

前年冬圍至今乃得之上有伐鄭圍長葛言長葛則鄭邑可知故不繫之鄭

傳外取邑不志此其志何也久之也

七年春王三月叔姬歸于紀

叔姬伯姬之娣至此歸者待年於父母之國六年乃歸媵之為言送也從也不與嫡俱行非禮也親逆例時不親逆例月許慎

曰姪娣年十五以上能共事君子可以往二十而御易曰歸妹愆期遲歸有待詩云韓侯取妻諸娣從之祁祁如雲娣必少於

嫡知未二十而往也媵以證反又繩證反共事音恭取七喻反少詩照反

傳其不言逆何也據莊二十七年言慶來逆叔姬言逆逆之道微無足道焉爾

非

滕侯卒。

一傳滕侯無名。自無名，非貶之。少曰世子，長曰君。狄道也。其不正者名也。

戎狄之道，年少之時稱曰世子，長立之號曰君。其非正，長嫡然後有名爾。責滕侯用狄道也。

夏城中丘。

城例時中邱魯地。

一傳城為保民為之也。建國立城，邑有定所，高下大小存乎王制。刺公不修勤德，政更造城以安民。民

一眾城小，則益城。益城無極。凡城之志，皆譏也。夫保民以德，不以城也。如民眾而城

小輒益城是無限極也。此發凡例施之於城內邑。

蒙梁傳

卷二

六

永懷堂

齊侯使其弟年來聘。

聘例時，凡聘皆使卿執玉帛以相存問。

一傳諸侯之尊，弟兄不得以屬通。禮非始封之君，則臣諸父昆弟。不得以屬通，所以遠別。

實賤尊君卑臣之義。其弟云者，以其來接於我，舉其貴者也。

弟是臣之親貴者，殊別於凡庶。

秋公伐邾。

冬天王使凡伯來聘。

凡氏伯字上大夫也。

戎伐凡伯于楚丘以歸。

傳凡伯者何也。天子之大夫也。國而曰伐，此一人而曰伐，何也。

大天子之命也。伐一人而同一國尊天子之命。戎者衛也。戎衛者為其伐天子

之使貶而戎之也。楚丘衛之邑也。以歸猶愈乎執也。夫天子之使過諸侯

諸侯當候在疆場，勝宰致饋，司里授館，猶懼不敬，今乃執天子之使，無禮莫大焉。昭十三年晉伐鮮虞，傳曰：晉狄之也，今不曰

衛伐凡伯，乃變衛為戎者，伐中國之罪輕，故稱國以狄晉，執天子之使罪重，故變衛以戎之。以一人當一國，諱執言以歸，皆尊

尊之正義。春秋之微旨。使所吏反，場音亦。

八年春，宋公衛侯遇于垂

垂，衛地。

傳不期而會曰遇。遇者志相得也。

穀梁傳

卷二 隱公

七

永懷堂

三月鄭伯使宛來歸郕。

凡有所歸例時，郕鄭邑。郕彼並反，左氏作祊。

傳名宛，所以貶鄭伯惡與地也。去其族，惡擅易天子邑。○惡烏路反。

庚寅，我入郕。

徐邈曰：入承鄭歸郕下，嫌內。外文不別，故著我以明之。

傳入者，內弗受也。曰入，惡者也。郕者，鄭伯所受命於天子而祭

泰山之邑。王室微弱，無復方岳之會，諸侯驕慢，亦廢朝覲之事。故鄭以湯沐之邑，易魯朝宿之田也。諸侯有大功盛

德於王室者，京師有朝宿之邑，泰山有沐浴之邑，所以供祭祀也。魯周公之後，鄭宣王母弟，若此有賜邑，其餘則否。許慎曰：若

今諸侯京師之地，皆有朝宿之邑，周有千八百一。入，謂自外也。國諸侯盡京師之地，不足以容不合事理。

夏六月己亥蔡侯考父卒

**傳**諸侯曰卒正也可言公又大夫

辛亥宿男卒

**傳**宿微國也未能同盟故男卒也

秋七月庚午宋公齊侯衛侯盟于瓦屋

宋序齊上王爵也瓦屋周地

**傳**外盟不曰此其日何也據僖十九年夏六月宋公諸侯之參

盟於是始故謹而日之也世道交喪盟詛滋彰非可以經世軌

浪反詛莊慮反誥誓不及五帝五帝謂黃帝顓頊帝嚳帝堯帝舜

穀梁傳

卷二 隱公

八 永懷堂

遺文五帝之世道化淳備不須誥誓而信自著○頭許玉反響苦篤反 盟詛不及三王三王謂夏

津之會衆所歸信不盟詛也○盟津音孟 交質子不及二伯

踐土之盟諸侯率服不質任也○交質音置

八月葬蔡宣公

**傳**月葬故也公獲與葬於瓦屋

九月辛卯公及莒人盟于包來

包來宋邑○包音苞 一音浮左氏作浮來

**傳**可言公及人不可言公及大夫稱人衆辭可言公及人若舉

大夫如以大 夫敵公故也

蟻

冬十有二月無核卒。

雨無核卒。雨無核卒。雨無核卒。

**傳無核之名未有聞焉。**

未聞者不知為是隱之不爵大夫為是有罪貶去氏族穀梁子不受之於師故

日未有聞焉。

**或曰隱不爵大夫也。**

若俠卒是或說曰故貶之也。

若無核帥師入極是

九年春天王使南季來聘。

**傳南氏姓也季字也。**

南季天子之主大夫氏以為姓也所以別姓也嫌與同故別之也季云字者明命為大夫不以名通也。祭伯側界反下同凡國各邑名及人名氏皆於始音後不復出

**聘問也聘諸侯非正也。**

周禮天子時聘以結諸侯之好殷親以除邦國之懸間問以諭諸侯之志歸服

以交諸侯之福賀慶以贊諸侯之喜致禱以補諸侯之災許慎曰禮臣病君親問之天子有下聘之義傳曰聘諸侯非正帝所

未詳。奸呼報反。規他弔反。禱戶外反。

穀梁傳

卷二 隱公

九

永懷堂

三月癸酉大雨震電。

**傳震雷也電霆也。**

庚辰大雨雪。

付反。甫子。

**傳志疏數也八日之間再有大變陰陽錯行故謹而日之也。**

劉向

云雷未可以出電未可以見雷電既以出見則雪不當復降。失節也雷電陽也雨雪陰也雷出非其時者是陽不能閉陰陰

氣縱逸而將為害也。數色角反見賢徧反。

**雨月志正也。**

甫得其時則月。

俠卒。

傳俠者所俠也。俠各也。所其氏。弗大夫者。隱不爵大夫也。俠不命為大夫故不氏。

隱之不爵大夫何也。曰不成為君也。明將立桓。

夏城郎。

郎魯宋也。○皆古則又邑。○與不日皆與郎。

秋七月。公類宋昭下首。

傳無事焉。何以書。不遺時也。四時不具。不成也。

冬公會齊侯于防。

防魯地也。

十傳會者外為主焉爾。

穀梁傳

卷二 隱公

十

永懷堂

十年春王二月公會齊侯鄭伯于中丘。

隱行自此皆月者。天告雷雨之異。以見篡弒之禍。而不知戒懼。反更數會。故危之。○數色角反。

夏翬帥師會齊人鄭人伐宋。

翬隱之罪人也。故終隱之世。貶之。

六月壬戌公敗宋師于菅。

敗例日與不日皆與戰。同菅宋地。○菅古頽反。

傳內不言戰。舉其大者也。戰然後敗。故敗大於戰。

辛未取郟。

郟古邑。○郟大夫。○大夫者。謂不爵大夫也。大夫者。謂不命大夫也。大夫者。謂不命大夫也。大夫者。謂不命大夫也。

辛巳取防

**傳**取邑不日此其日何也據僖三十三年伐邾取不正其乘敗

人而深為利取二邑故謹而日之也禮不重傷戰不逐北公敗

利不仁故謹其日

秋宋人衛人入鄭

宋人蔡人衛人伐戴鄭伯伐取之

凡書取國皆滅也變滅言取明其易○載本或作戴易以豉反

**傳**不正其因人之力而易取之故主其事也三國伐戴自足以制之鄭伯不能矜

人之危而反與其伐故獨書鄭伯伐取之以首其惡其實四國共取之

穀梁傳

卷二 隱公

十一

永懷堂

冬十月壬午齊人鄭人入郕

**傳**入者內弗受也日入惡入者也郕國也

十有一年春滕侯薛侯來朝

**傳**天子無事諸侯相朝正也事謂巡守崩葬兵革之事○守音狩考禮修德所以

尊天子也諸侯來朝時正也朝宜以時故直言同時也直言謂別言也

若穀伯來朝鄧侯吾離來朝同時來不俱至累數皆至也累數總言之也若滕侯薛侯來朝同時俱至

夏五月公會鄭伯于時來

時來鄭地

秋七月壬午公及齊侯鄭伯入許

冬十有一月壬辰公薨

**傳公薨不地故也**

不地不書路寢之比。必利反。

**隱之不忍地也**

隱猶痛也。其不

**言葬何也君弑賊不討不書葬以罪下也**

責臣子也

**隱十年無正隱**

**不自正也**

無正謂不書正月

**元年有正所以正隱也**

明隱宜立

春秋穀梁傳卷二

終

穀梁傳

卷二

隱公

十三

永懷堂

隱入者內弗受也曰入

何天子也

不自正也

言葬何也

君弑賊不討

不書葬以罪下也

不自正也

元年有正

冬十有一月壬辰公薨

春秋穀梁傳卷三

晉豫章太守順陽范甯集解

後學東吳金蟠較訂

元年春王其意終限七錄不逐噴也

傳桓無王其曰王何也謹始也

位之始以明其曰無王何也桓弟弑兄臣弑君天子不能定諸

侯不能救百姓不能去以為無王之道遂可以至焉爾元年有

五王所以治桓也

穀梁傳

卷三 相公 永懷堂

正月公即位

杜預曰嗣子位定於初喪而改元必須踰年者繼父之業成父

之志不忍有變於中年也諸侯每首歲必有禮於廟諸遭喪繼

位者因此而改元即位百官以序故國史亦書即位之事於策

傳繼故不言即位正也

故謂武也繼故不言即位之為正何也曰先

君不以其道終則子弟不忍即位也

哀痛之至故不忍行即位之禮繼故而言

即位則是與聞乎弑也繼故而言即位是為與聞乎弑何也曰

先君不以其道終己正即位之道而即位是無恩於先君也

三月公會鄭伯于垂

無恩則知與弑也此明統例耳與弑尚然况親弑者○與音豫皆同

垂衞地也傳例曰往月危往也  
拓大惡之人故會皆月以危之

**傳會者外為主焉爾**鄭伯所以欲為此會者為  
易田故○為易于偽反

**鄭伯以璧假許田**

**傳假不言以言以非假也**實假則不應言以璧  
非假而曰假諱易地也禮

**天子在上諸侯不得以地相與也**諸侯受地於天子不得自專  
無田則無許

**可知矣不言許不與許也**但言以璧假許而不繼田則許屬鄭  
也今言許田明以許之田與鄭不與

許邑也諸侯有功則賜田以祿之  
若可以借人此蓋不欲以實言**許田者魯朝宿之邑也邠者**

**鄭伯之所受命而祭泰山之邑也用見魯之不朝於周而鄭之**

**不祭泰山也**朝天子所宿之邑謂之朝宿泰山非鄭竟內從天  
王巡守受命而祭也擅相換易則知朝祭並廢○

**穀梁傳**

**卷三**桓公

**永懷堂**

朝直遙反下皆  
同邠被病反

**夏四月丁未公及鄭伯盟于越**

越衛地也  
越衛人出盜不與實言  
特田蓋魯陳鄭之邑也

**傳及者內為志焉爾越盟地之名也**

**秋大水**

禮月令曰季秋行夏令  
則其國大水大水例時

**傳高下有水災曰大水**

**冬十月**

**傳無事焉何以書不遺時也春秋編年四時具而後為年**錄

二年春王正月戊申宋督弑其君與夷。

宋督宋之卑者卑者以國氏。

傳相無王其曰王何也正與夷之卒也。

諸侯之卒天子所隱痛殺逆之人王法所宜誅

故書王以正之。

及其大夫孔父。

傳孔父先歿其曰及何也書尊及卑春秋之義也。

邵曰會盟言及別內外也

尊卑言及上下序也

孔父之先歿何也督欲弑君而恐不立於是乎先殺

孔父孔父闕也。

闕謂扞禦

何以知其先殺孔父也曰子既歿父不忍

稱其名臣既歿君不忍稱其名以是知君之累之也。

累謂從也

孔氏

穀梁傳

卷三 相公

三

永懷堂

父字諡也。

孔父有歿難之動故其君以字為諡

或曰其不稱名蓋為祖諱也孔子

故宋也。

孔子舊是宋人孔父之玄孫

滕子來朝

隱十一年稱侯今稱子蓋時王所黜

三月公會齊侯陳侯鄭伯于稷以成宋亂。

稷宋地也

傳以者內為志焉爾公為志乎成是亂也。

欲會者外也欲受賂者公也

矣取不成事之辭而加之焉於內之惡而君子無遺焉爾。

取不成事

之辭謂以成宋亂也相殺逆之人故極言

無所遺漏也江

熙曰春秋親尊皆諱蓋患惡之不可掩豈

不成事之辭以

加君父之惡于秦宣四年公及齊侯平莒及郟傳曰平者成也然則成亦平也公與齊陳鄭欲平宋亂而取其路鼎不能平亂故書成宋亂取郟大鼎納于太廟微皆見矣尋理推經傳似失之徐邈曰宋雖以亂治之則治治亂成不繫此一會若諸侯討之則有撥亂之功不討則受成亂之責辭豈虛加也哉春秋雖爲親尊者諱然亦不沒其實故納鼎于廟躋僖逆祀及王室之下道者也君失社稷猶書而不隱况今四國羣會非一人之過以義致譏輒於自己兆亂以

此方彼無所多怪○郟音談

夏四月取郟大鼎于宋戊申納于太廟

傳刻曰納者內不受也日之明惡甚也太廟周公廟○郟古報反

傳桓內弑其君外成人之亂受賂而退以事其祖非禮也其道以周公爲弗受也郟鼎者郟之所爲也曰宋取之宋也

穀梁傳 卷三 相公 四 永懷堂

作宋後 以是爲討之鼎也 孔子曰各從主人物從

中國故曰郟大鼎也 主人謂作鼎之主人也故繫

秋七月紀侯來朝

隱二年稱子今稱侯蓋時王所進○紀侯左氏作祀侯

傳朝時此其月何也 桓內弑其君外成人之

亂於是爲齊侯陳侯鄭伯討數日以賂 桓既罪深責大乃復爲

賂○爲 己卽是事而朝之惡之故謹而月之也 已紀也相與諸

取宋賂不知非之爲非貪愚之甚紀不擇其不肖而就朝之○惡烏路反

蔡侯鄭伯會于鄆

鄧其地。○其地不知其國故云某後放此

九月八祀

傳我入之也

不稱主名。○其地不知其國故云某後放此

公及戎盟于唐

公與戎盟于唐。○其地不知其國故云某後放此

冬公至自唐

公與戎盟于唐。○其地不知其國故云某後放此

昔廟曰至。傳例曰致。君者殆其往而喜其反。此致君之意義也。離不言會故以地致。

傳桓無會而其致何也遠之也

桓會甚衆而曰無會善無致會也。試逆之罪非可以致宗廟而

今致者危其遠會。疾狄喜其得反。

二年春正月公會齊侯于贏

穀梁傳

卷三 相公

五

永懷堂

贏齊地。○贏音盈。

夏齊侯衛侯胥命于蒲

蒲衛地。

傳胥之爲言猶相也。相命而信諭。謹言而退。以是爲近古也。

言以相達不敵血而。誓盟古謂五帝時。是必一人先其以相言之。何也不以齊侯

命衛侯也

丘熙曰夫相與親比非一人之德是以同聲相應同氣相求齊衛胥盟雖有先倡倡和理均若以齊命衛

則功歸于齊以衛命齊則齊僅隨從言。其相命則泯然無際矣。○此毗志反。

六月公會杞侯于郕

郕音成。

麻音成

秋七月壬辰朔日有食之既日重乎

傳言日言朔食正朔也朔出食也既者盡也有繼之辭也盡而復生謂之既

公子翬如齊逆女翬稱公子者相不以為罪人也

傳逆女親者也使大夫非正也

九月齊侯送姜氏于謹已去齊國故不言女未至于魯故不稱夫人謹魯地月者重錄之○于謹音歡

傳禮送女父不下堂母不出祭門諸母兄弟不出闕門祭門廟門也闕

兩觀也在祭門之外觀古亂反父戒之曰謹慎從爾舅之言母戒之曰謹慎

從爾姑之言諸母般申之曰謹慎從爾父母之言般囊也所以盛朝夕所須

公會齊侯于謹以備舅姑之用○般一本作輦盛音成送女踰竟非禮也音境

傳無譏乎齊侯送女踰竟遠至于謹嫌會非禮之人當有譏曰為禮也齊侯來也公之

逆而會之可也為親逆之禮

夫人姜氏至自齊

傳其不言翬之以來何也據宣元年遂以夫人婦姜至自齊公親受之于齊侯

也重在子貢曰冕而親迎不也重乎冕祭服○迎魚敬反孔子曰合二姓

之好以繼萬世之後何謂已重乎好呼報反

卷三 桓公 六 永懷堂

報反

報反

報反

冬齊侯使其弟年來聘

有年

有年 例時

傳五穀皆孰為有年也

四年春正月公狩于郎

春而言狩蓋用冬狩之禮蒐狩例時而此月者重公失禮也莊四年冬公及齊人狩于郎傳曰齊人者齊侯也其曰人何也甲

公之敵所以甲公也然則言齊人者所

傳四時之田皆為宗廟之事也春日田取獸於田夏日苗因為苗除害故曰苗

秋日蒐蒐擇之舍小取大冬曰狩狩圍狩也各物畢成獲則取之無所擇四時

穀梁傳

卷三相公

七

永懷堂

之田用三焉唯其所先得一為乾豆上殺中心疾速乾之以為豆實可以祭祀○中丁仲

反二為賓客次殺射體骸歿差遲○射食亦反體步

之庖下殺中腸汚泡死最遲先宗廟次賓客後庖廚尊神敬客之義○泡普交反又百交反

夏天王使宰渠伯糾來聘

宰官也渠氏也天子下大夫老故稱字下無秋冬二時甯所未詳

五年春正月甲戌己丑陳侯鮑卒

傳鮑卒何為以二日卒之春秋之義信以傳信疑以傳疑明其錄也

陳侯以甲戌之日出己丑之日得不知必之日故舉二

日以包也國君獨出必辟病潛行○辟音避

夏齊侯鄭伯如紀

外相如不書過我則書例時○過古禾反

天王使任叔之子來聘。

任叔天子之大夫○任叔左氏作仍叔

**傳**任叔之子者錄父以使子也故微其君臣而著其父子不正

父在子代仕之辭也錄父使子謂不氏名其人稱父言子也君聞劣於上臣苟進於下蓋參識之

葬陳桓公

城祝丘。

譏公不修德政侍城以安民

穀梁傳

卷三 桓公

秋蔡人衛人陳人從王伐鄭。

王親自伐鄭

**傳**舉從者之辭也使若王命諸侯伐鄭書從王命者三國也其舉從者之辭何也為

天王諱伐鄭也諱自伐鄭鄭同姓之國也在乎冀州於是不服為天

子病矣鄭姬姓之國冀州則近京師親近猶不能服則疏遠者可知

大雩。

雩者旱祭請雨之名傳例曰雩得雨曰雩不得雨曰旱月雩正也時雩不正也禮月令曰仲冬行夏令則其國乃旱○雩音于

蝻。

蝻蝻之屬禮月令曰仲冬行夏令則蝻蝗為敗○蝻音終蝻相容反蝻音育

**傳** 螽蟲災也。甚則月不甚則時。或然人爭禽蔡人不味其氣刺

冬州公如曹

**傳** 外相如不書。此其書何也。過我也。過我六年寔來是也。將有其未故先錄其本。

六年春正月寔來。

來朝何時月老謹其無禮

**傳** 寔來者是來也。何謂是來。謂州公也。其謂之是來何也。以其

畫我故簡言之也。諸侯不以過相朝也。畫是相過去朝。月。過古承反。

夏四月公會紀侯于郕

紀侯左氏作杞侯

穀梁傳

卷三 和公

九

永懷堂

秋八月壬午大閱

蒐閱

**傳** 大閱者何。閱兵車也。閱為簡練。修教明諭。國道也。明達於民。治國

之道。平而修戎事。非正也。卻曰禮因四時田獵以習用戎事。存不

事而修之。其日以為崇武。故謹而日之。蓋以觀婦人也。觀古亂反。

蔡人殺陳佗

佗徒河反

**傳** 陳佗者。陳君也。其曰陳佗何也。匹夫行。故匹夫稱之也。其匹

夫行。奈何。陳侯熹獵淫獵于蔡。與蔡人爭禽。蔡人不知其是陳

君也而殺之

淫獵謂自放恣遺失徒衆○行下孟反意虛詭反

何以知其是陳君也兩

下相殺不道

兩大夫相殺不書春秋

其不地於蔡也

九月丁卯子同生

子同相公

子同相公○二時甯所未詳嫡子莊公

傳疑故志之

莊公毋文姜淫于齊襄疑非公之子

時曰同乎人也

時人僉曰齊侯之子同於他人

冬紀侯來朝

七年春二月己亥焚咸丘

日之謹其惡○惡鳥路反

傳其不言邾咸丘何也

據襄元年閏宋彭城言宋

疾其以火攻也

不繫於國者欲使焚

穀梁傳

卷三 和公

十

永懷堂

邑之罪與交國同

夏穀伯綏來朝

鄧侯吾離來朝

傳其名何也

據隱十一年勝薛來朝不名

失國也

禮諸侯不生名失地則各

失國則其以

朝言之何也

據文十二年邾伯來朝不名

嘗以諸侯與之接矣雖失國弗損

吾異日也

待之以初也下無秋冬二時甯所未詳

春秋穀梁傳卷三 終

春秋穀梁傳卷四

晉豫章太守順陽范甯集解

明後學東吳高彙較訂

桓公

八年春正月己卯烝。

春祭曰禴薦尚韭卯夏祭曰禴薦尚麥魚秋祭曰嘗薦尚黍肫冬祭曰烝薦尚稻薦無牲而祭曰薦薦而加牲曰祭禮各異也失禮祭祀例日得禮者時定八年冬從祀先公是也僖八年秋七月禘于大廟月者謹用致夫人耳禘無違禮。論本又作禘。純本又作豚大廟音泰後同。

傳烝冬事也春興之志不時也。

穀梁傳

卷四 桓公

永懷堂

天王使冢父來聘。

冢父天子大夫冢氏父字。

夏五月丁丑烝。

傳烝冬事也春夏興之黷祀也志不敬也。

秋伐邾。

冬十月雨雪。

禮月令曰孟冬行秋令則霜害不時。雨于付反。

祭公來遂逆王后于紀。

祭公懷內諸侯為天子三公者親逆例時不親逆例月故春秋左氏說曰王者至尊無敵無視逆之禮祭公逆王后未致京師。

而稱后知天子不行而禮成也鄭君釋之曰大奴之家在郤之陽在渭之渙文王親迎于渭即天子親迎之明文矣天子雖尊其子后猶夫婦夫婦配合禮同一體所謂無敵豈施此哉禮記哀公問曰是而親迎不巳重乎孔子愀然作色而對曰合二姓之好以繼先聖之後以爲天地宗廟社稷之主君何謂巳重焉此言親迎繼先聖之後爲天地宗廟社稷之主非天子則誰乎

○祭公側界反寰音縣又音環親迎魚敬反郤音洽本又作洽渙音仕好呼報反

**傳其不言使焉何也**據四年天王使宰渠伯糾稱使**不正其以宗廟之大事即**

**謀於我故弗與使也**時天子命祭公就魯共卜擇紀女可中后者使迎之不復反命**遂繼事之**

**辭也其曰遂逆王后故略之也**以其遂逆無禮故不書逆女而曰王后略謂不以禮稱之**或**

**曰天子無外王命之則成矣**四海之濱莫非王臣王命紀女爲后則已滅王后不如諸侯入國乃

稱夫人或說是

**穀梁傳** 卷四 周公

九年春紀季姜歸于京師

季姜桓王后書字者申父母之尊姜紀姓

**傳爲之中者歸之也**中謂關與婚事與音預

夏四月

秋七月

冬曹伯使其世子射姑來朝

**傳朝不言使言使非正也使世子佞諸侯之禮而來朝曹伯失**

**正矣諸侯相見曰朝以待人父之道待人之子以內爲失正矣**

**內失正曹伯失正世子可以已矣則是故命也**父有爭子助身不陷於不義射

始侯曹伯之命可。射音。亦位本作尤爭諫爭之爭。尸子曰夫已多乎道。曹伯使朝之命。則曹伯不陷非禮之愆世子無荀從之。魯曾無失正之譏三者正則合道多矣。

十年春王正月庚申曹伯終生卒。

傳桓無王其曰王何也正終生之卒也。徐乾曰與夷見弑恐正卒不明故復明之。

夏五月葬曹桓公。

秋公會衛侯于桃丘弗遇。

桃丘衛地桓弑逆之人出則有危故會皆月之衛侯不來無危故時。

傳弗遇者志不相得也弗內辭也。倡會者衛魯至桃丘而衛不來故書弗遇以殺恥。

冬十有二月丙午齊侯衛侯鄭伯來戰于郎。

穀梁傳

卷四 相公

三

永懷堂

結曰列陳則曰傳例曰不日疑戰也。陳直觀反。

傳來戰者前定之戰也。先已結期戰。內不言戰言戰則敗也。兩敵故言戰春

秋下以外敵內善戰則敗。不言其人以吾敗也不言及者為內諱也。

十有一年春正月齊人衛人鄭人盟于惡曹。

惡曹地闕

夏五月癸未鄭伯寤生卒。

秋七月葬鄭莊公。

莊公殺段失德不葬而書葬者段不弟於王法當討故不以殺親親賊之。

九月宋人執鄭祭仲。

祭氏神名執大夫有罪者例時無罪者可此月者爲下盟○祭側界反

○厚牙人者宋公也其曰人何也貶之也○惡其執人權臣廢嫡立庶

突歸于鄆。

突鄭厲公昭公之弟莊公之子

○傳曰突賤之也曰歸易辭也傳例曰歸爲善自某歸次之此傳曰歸易辭也然則歸有二義不皆善矣○突蔡兄之位制命權臣則歸無善○易以歧反祭仲易其事權在祭仲也必君難○臣

道也今立惡而黜正惡祭仲也易辭言廢立在此○難

鄭忽出奔衛。易辭言廢立在此○難

鄭忽出奔衛。

急鄭昭公

穀梁傳

卷四 桓公

四

永懷

○傳鄭忽者世子忽也其名失國也其名謂去世子而但稱忽

柔會宋公陳侯蔡叔盟于折。

蔡叔蔡大夫名未命故不氏折其地

○傳柔者何吾大夫之未命者也

公會宋公子夫鍾。

夫鍾鄭地

冬十有二月公會宋公子闕。

闕魯地

十有二年春正月

夏六月壬寅公會紀侯莒子盟于曲池。

曲池魯地

秋七月丁亥公會宋公燕人盟于穀丘。

穀丘宋地

八月壬辰陳侯躍卒。

陳厲公也

公會宋公子虛。

虛宋地

冬十有一月公會宋公子龜。

穀梁傳

龜宋地

卷四 桓公

丙戌公會鄭伯盟于武父。

武父鄭地 父音甫

丙戌衛侯晉卒。

再稱日決日義也。

明二事皆當日也晉不正非日本卒者也不正前見矣隱四年衛人立晉是也與齊小

白義 同

十有二月及鄭師伐宋丁未戰于宋。

非與所與伐戰也。

非不言與鄭戰恥不和也於伐與戰敗也

內諱敗舉其可道者也。

於伐宋而與鄭戰內敗也戰輕於敗戰可道而敗不可道

宋懷

十有三年春二月公會紀侯鄭伯己巳及齊侯宋公衛侯燕人戰齊師宋師衛師燕師敗績

徐邈曰僖九年傳曰禮極在堂上孤無外事今衛宣未葬而嗣子稱侯以出其失禮明矣宋陳稱子而衛稱侯隨其所以自稱者而書之得失自見矣○極其汲反

**傳其言及者由內及之也其曰戰者由外言之也**內不言戰言戰則敗今魯

與紀鄭同討以有紀鄭故可得言戰**戰稱人敗稱師事衆也其不地於紀也**春秋戰無不地即於紀戰無為不地也鄭君曰紀嘗為己謂在魯也字之誤耳得在龍門城下之戰迫近故不地

三月葬衛宣公

夏大水

穀梁傳

卷四 相公

六 永懷堂

秋七月

冬十月

十有四年春正月公會鄭伯于曹

無冰

皆君不明去就政治舒緩之所致五行傳曰視之不明是謂不哲厥咎舒厥罰常燠○燠於六反

**傳無冰時燠也**

夏五

○夏五本或

鄭伯使其弟禦來盟

○樂魚召反本亦作御友氏作語

傳諸侯之尊弟兄不得以屬通其弟云者以其來我舉其賁者也來盟前定也不日前定之盟不日言信在前非結於今孔子曰聽遠音

者聞其疾而不聞其聲疾謂激揚之聲聲謂徐緩望遠者察其貌而不察其

形貌姿體立乎定哀以指隱桓隱桓之日遠矣夏五傳疑也孔子

在於是哀之世而錄隱桓之事故承闕文之疑不書月明皆實錄○傳直專反

秋八月壬申御廩災

御廩藏公所親耕以春黍盛之倉也內災例日

己亥嘗

祭家傳

卷四 桓公

七

永懷堂

御廩之災不志以其微此其志何也以爲唯未易災之餘而嘗

可也志不敬也鄭嗣曰唯以未易災之餘而嘗然後可志也用火焚之餘以祭宗廟非人子所以盡其心力不

敬之天子親耕以共粢盛天子親耕其禮三推黍稷曰粢在器曰盛○共音恭粢音咨推昌誰反一

音他王后親蠶以共祭服王后親蠶齊戒躬桑夫人三纁遂班回反

成君服以祀之○齊國非無良農工女也以爲人之所盡事其

本亦作齊纁先乃反祖禰不若以己所自親者也凱曰夫治人之道莫急於禮禮有

者也由中出者身致其誠信然後可五經莫重於祭祭者非物自外至

以交於神明祭之道也○禰乃禮反何用見其未易災之餘而

嘗也曰甸粟而內之三宮三宮米而藏之御廩甸甸師掌田之官也三宮三夫

入也宗廟之禮君親割夫嘗必有兼甸之事焉夫人親春是兼甸之事王

申御廩災。乙亥。冀以為未易災之餘而嘗也。

鄭嗣曰：壬申乙亥，相去四日，言用日

至少而功多，明亦足及易而嘗。

冬十有二月丁巳，齊侯祿父卒。

宋人以齊人蔡公、衛人陳公伐鄭。

傳以者不以其也。民者君之本也，使人以其死，非正也。

不以者謂本非

所得制今得以之也，刺四國使宋專用其師，輕民命也。

十有五年春二月，天王使冢父來求車。

傳古者諸侯時獻于天子，以其國之所有，故有辭讓而無徵求。

求車非禮也，求金其矣。

文九年毛伯來求金。

梁傳

卷四 相公

八

永懷堂

三月乙未，天王崩。

王桓

夏四月己巳，葬齊僖公。

五月鄭伯突，出奔蔡。

傳譏奪正也。

禮請侯不生名，今各突以譏之。

鄭世子忽復歸于鄭。

傳反正也。

許八子許。

傳例曰：大夫出奔，反以好曰歸，以惡曰入。

十傳許叔許之貴者也莫宜乎許叔其曰八何也其歸之道非所

以歸也秦曰許國之貴莫過許叔叔之宜立又無與二而進無王命退非父授故不書曰歸同之惡入

公會齊侯于蒿

蒿左氏作艾公羊作詭

邾人牟公高公來朝

何休曰桓公行惡而三人俱朝事之三人為眾眾足責故夷狄之

秋九月鄭伯突入于櫟

櫟鄭邑也突不正書入明不當受櫟力狄反

冬十有一月公會宋公衛侯陳侯于袤伐鄭

穀梁傳

卷四 桓公

九 永懷堂

表宋地袁昌氏反

傳地而後伐疑辭也非其疑也鄭突欲篡國伐而正之義也不應疑故責之

十有六年春正月公會宋公蔡侯衛侯于曹

夏四月公會宋公衛侯陳侯蔡侯伐鄭

蔡常在衛上今序陳下蓋後至

秋七月公至自伐鄭

桓無會其致何也危之也桓公再助篡伐正危殆之甚喜得全歸故致之

冬城向

十有一月衛侯朔出奔齊

一朔也  
公名  
不  
言  
會  
禮  
也  
禮  
記  
曰  
朔  
日  
始  
也  
禮  
記  
曰  
朔  
日  
始  
也

傳朔之名惡也。天子召而不往也。

十有七年春正月丙辰公會齊侯紀侯盟于黃。

黃齊地。蓋蔡與子未。鄒。邾。魯。齊。地。黃。齊。地。蓋。蔡。與。子。未。鄒。邾。魯。齊。地。黃。齊。地。蓋。蔡。與。子。未。鄒。邾。魯。齊。地。

三月丙午及邾儀父盟于越。

越魯地。○  
離翠乾反。

夏五月丙午及齊師戰于郎。

○于郎左  
氏作于奚

傳內諱敗舉其可道者也。敗恥大不言其人。言人則以吾敗也。微者敗

穀梁傳 卷四 柏公 十 永懷堂

六月丁丑蔡侯封人卒。於微者其恥  
又甚故言師不言及之者為內諱也。及當有人公親帥  
之恥有不可言

秋八月蔡季自陳歸于蔡。

傳蔡季蔡之貴者也。自陳陳有奉焉爾。陳以  
力助

癸巳葬蔡桓侯。徐邈曰葬者臣子之事故書葬皆以公醜諱  
此稱侯蓋蔡臣子失禮故即其所稱以示過

及宋人衛人伐邾。

冬十月朔日有食之。既盡也蓋朔一日至明  
日乃食是月二日食也

傳音朔不言日食既朔也。

日有食之。

既盡也蓋朔一日至明日乃食是月二日食也。

十有八年春王正月公會齊侯于濼

此年書王以王法終治桓之事。濼力沃反又音洛。

公與夫人姜氏遂如齊

公本與夫人俱行至濼公與齊侯行會禮故先書會。濼既會而相隨至齊故曰遂。遂繼事之辭他皆放此。

傳濼之會不言及夫人何也

據夫大齊在當言公及夫人姜氏會齊侯于濼。

仇弗稱數也

濼之會夫人顯仇不可言及故舍而弗數。今書遂不制故不言及。仇本又作充數色祖反舍音捨。

夏四月丙子公薨于齊

夫人與齊謀殺之不書諱也。魯公薨正與不正皆且所以別內外也。

穀梁傳

卷四 相公

傳其地於外也。薨稱公舉上也。

公五等之上。

丁酉公之喪至自齊

秋七月。葬我君桓公。

冬十有二月己丑葬我君桓公。

傳葬我君。接上下也。

言我君舉國上下之職。君弒賊不討不書葬。此其言葬何也。據隱公不書葬。不責踰國而討于君。禮君父之讐不與共戴。于是者時齊強大非已所討。君手即而怨之以申臣子之恩。桓公葬而後舉諡諡所以成德也。於卒事加之矣。諡者行之迹所以表德。人之終卒事畢於法。大行受大名。小行受小名。所以勸善而懲惡。禮天子崩諡。稱天命以諡之。諸侯薨天子諡之。崩大夫卒受諡於其君。知者

慮義者行仁者守有此三者然後可以會矣

桓無此三者而出會大國所以

見殺。知音智。

春秋穀梁傳卷四

終

穀梁傳

卷四

桓公

七

永懷堂



Vertical text on the left edge, including '穀梁傳卷四' and other faint characters.

春秋穀梁傳卷五

晉豫章太守順陽范甯集解

明後學 東吳金蟠較訂

莊公

元年春王正月大歸之也不葬公言齊人歸之也曰王大夫命

傳繼弑君不言即位正也繼弑君不言即位之為正何也據君不絕

曰先君不以其道終則子不忍即位也

三月夫人孫于齊

桓公夫人文姜也哀姜有殺子之罪輕故僖元年曰夫人氏之喪至自齊去姜以貶之文姜有殺夫之罪重故去姜氏以貶之

穀梁傳 卷五 莊公

此輕重之差 一 永懷堂

傳孫之為言猶孫也孫孫遁而去諱奔也接練時錄母之變始人之

也夫人初與桓俱如齊今又書者於練時感夫不言氏姓貶之

也人不與祭故始以人道錄之與祭音豫 命婦受夫之命

不若於道者天絕之也若不若於言者人絕之也臣子大受命

言義得 貶夫人

夏單伯逆王姬

單姓也伯字單音善 逆王姬左氏作送王姬

何君大夫之命乎天子者也命大夫故不名也諸侯歲貢

士于天子。天子親命之。使還其國。為大夫。其不言如。何也。據信  
九年。公子遂。其義不可受於京師也。其義不可受於京師。何也。禮尊  
如京師言。如。其義不可受於京師也。其義不可受於京師。何也。禮尊  
曰。躬君弑於齊。使之主婚姻。與齊為禮。其義固不可受也。卑不  
敵。天子嫁女于諸侯。必使同姓諸侯主之。魯桓親見殺于齊。若  
天子命使為主。則非禮大矣。春秋為尊者諱。故不可受之于京  
師。

### 秋築王姬之館于外。

傳築禮也。于外。非禮也。

外。城也。

築之為禮。何也。主王姬者。必自公

門出。

公門朝之外門。主王姬者。當設几筵于宗廟。以俟迎者。故在公門之內。築王姬之館。朝直逢。反迎魚敬反。於

廟則已。魯於寢則已。卑為之築節矣。築之外。變之正也。築之外。

### 穀梁傳

卷五

莊公

二

永懷堂

變之為正。何也。仇讎之人。非所以接婚姻也。哀麻非所以接弁

冕也。

親迎服祭服者。重婚姻也。公時有桓之喪。衰七回反。

其不言齊侯之來逆。何也。不

使齊侯得與吾為禮也。

冬十月乙亥。陳侯林卒。

傳諸侯日卒。正也。

王使榮叔來錫桓公命。

榮氏。叔字。天子之上大夫也。禮有九錫。一曰輿馬。二曰衣服。三曰樂器。四曰朱戶。五曰納陛。六曰虎賁。七曰弓矢。八曰鈇鉞。九曰稱。皆所以褒德賞功也。德有厚薄。功有輕重。故命有大小。

何休曰。稱。弑逆之人。王法所宜誅絕。而反錫命。悖亂天道。故不言天王也。文五年。王使榮叔歸含且賵。則日含者。臣子之職。以至尊行卑事。故不言天王也。三月。王使毛伯來會葬。又曰。

以至尊行卑事。故不言天王也。三月。王使毛伯來會葬。又曰。

比失禮故亦不言天下也。甯家停二十四年，天王出居于鄭，不可最大矣。禮天子既有賜舍之制，傳但譏二事共一使耳，言且所以示譏，一事無再貶之道也。以天王之尊，會人妾祖母之葬，誠失禮矣。孰若使任叔之子來聘，使家父來求車之不可乎？此三者皆言天王明非義之所存，舊史有詳略，天子固而弗革，故知曲說雖巧，致遠則滯矣。○賁音奔，柅音巨，舍胡暗反，期芳鳳反，任音壬。

**傳禮有受命無來錫命錫命非正也**。實人於朝與土共之，當召王命諸侯則饋，之是來受命。生服之，歛行之禮也。生不服，歛追錫之，不正甚矣。

王姬歸于齊

**傳爲之中者歸之也。**

穀梁傳

卷五 莊公

三

永懷堂

齊師遷紀邾鄆部

○邾步丁反，鄆子移反，部音吾。

**傳紀國也邾鄆部國也**。此國以三言爲名。

或曰遷紀于邾鄆部。一年，宋

傳曰遷亡辭也，其不地，宿不復見矣。齊師遷紀四年，復書紀侯，大去其國者，紀侯賢不與齊師之亡，紀故變文以見義。邾鄆部之君無紀侯之賢，故不復見。從常例也。若齊師遷紀于邾鄆部，當言于以服之，又不應復書地。當如宋人遷宿，齊人遷陽，或曰之說，詳所未詳。

二年春王二月葬陳莊公

夏公子慶父帥師伐於餘丘

慶父名字中父

傳國而曰伐於餘丘邾之邑也其曰伐何也公乎貴矣師重矣而敵人之邑公子病矣病公乎所以譏乎公也其一曰君在而重之也邾君在此邑故不繼于邾使若國

秋七月齊王姬卒

傳為之者卒之也主其嫁則有兄弟之恩歿則服之服之故書卒禮記曰齊告王姬之喪魯莊公為之大功

冬十有二月夫人姜氏會齊侯于禚

禚齊地○臨章略反

傳婦人既嫁不踰竟踰竟非正也婦人不言會言會非正也饗

甚矣饗有四年

穀梁傳

卷五 莊公

四

永懷堂

乙酉宋公馮卒

○馮皮冰反

三年春王正月溺會齊侯伐衛

徐邈曰傳例曰往月危往也齊受天子罪人為之與師而魯與同其理危也

傳溺者何也公子溺也其不稱公子何也據二年公子慶父帥師伐於餘邱稱公子

惡其會仇讎而伐同姓故貶而名之也○惡鳥路反

夏四月葬宋莊公

傳月葬故也

五月葬桓王

傳傳曰改葬也

若實改葬當言改以明之郊牛之口傷改葬之禮總舉下緬也總者五服最下言舉下緬上從總皆及其故

服總也猶晦震戎伯之廟因期天子諸侯之禮不謂夷伯非魯之大夫也甯之先君與蔡司徒論之詳矣江熙曰葬稱公舉五等之上改葬禮總舉五服之下以喪緬藐遠也天子諸侯易服而葬以為交於神明者不可以純凶況其緬者乎是故改葬之禮其服唯輕言緬釋所

以總也○緬亡善反

或曰郤尸以求諸侯

停尸七年以求諸侯會葬非人情也

天子志崩不志葬必其時也何必焉舉天下而葬一人其義不

疑也志葬故也危不得葬也曰近不失崩不志崩失天下也

師

去魯不遠赴告之命可不踰旬而至更不志崩則亂可知獨陰不生獨陽不生獨天不生三

合然後生

徐邈曰古人稱萬物負陰而抱陽沖氣以為和然則傳所謂天蓋名其沖和之功而神理所由也會二氣

穀梁傳

卷五莊公

五

永懷堂

之和極發揮之美者不可以柔剛滯其用不得以陰陽分其各故歸於冥極而謂之天凡生類稟靈知於天資形於二氣故又

曰獨天不生必三合而形故曰母之子也可天之子也可尊者

取尊稱焉卑者取卑稱焉

王者尊故稱天子眾入卑故稱母其曰王者民之所

歸往也

秋紀季以鄆入于齊

季紀侯弟○鄆下圭反

國微弱

齊將吞并紀季波視存亡之機大懼社稷之傾故超然退舉以

魯事齊庶胤嗣不泯宗廟永存春秋賢之故褒之以字齊受人之邑而滅人之國故於義不可受也

冬公次千郎

傳次止也有畏也欲救紀而不能也

長

四年春王正月夫人姜氏饗齊侯于祝丘

饗食也兩君相見之禮凡會書月著時事有危難於公發例亦無所不闕祝丘魯地

饗齊其矣以非禮尤甚故譏而月之饗齊侯所以病齊侯也

三月紀伯姬卒

禮二年展綸所逆者內女卒例目伯姬夫國略之故用也○綸音須

傳外夫人不卒此其言卒何也吾女也適諸侯則尊同以吾為

之變卒之也禮諸侯絕旁妻姑姊妹女子子嫁於國君者尊與已同則為之服大功九月變不服之例然則適太

穀梁傳

卷五 莊公

永懷堂

夫者不書卒

真齊侯陳侯鄭伯遇手垂

傳例曰不期而會曰遇遇者志相得也

紀侯夫去其國

傳夫去者不遣一人之辭也言民之從者四年而後畢也紀侯

賢而齊侯滅之不言滅而曰夫去其國者不使小人加乎君子

不曰滅而曰夫去其國蓋抑無道之強以優有道之弱若進止在已非齊所得滅也何休曰春秋楚世子商臣弑其君其後滅

江六不言夫去又夫去者於齊滅之不明但知不使小人加乎君子而不言滅縱夫襄公之惡反為夫去也鄭君釋之曰商臣

弑其父大惡也不得但為小人江六之君又無紀侯得民之賢不得變滅言夫去也元年冬齊師遷紀三年紀季以鄆入于齊

一 乎紀侯大去其國是足起齊滅之矣即以變滅言大去爲縱失  
襄公之惡是乃經也非傳也且春秋因事見義舍此以滅人爲  
罪者自  
多矣

六月乙丑齊侯葬紀伯姬。

傳外夫人不書葬此其書葬何也吾女也失國故隱而葬之隱  
也不曰卒而曰  
葬閔絕之亡也

秋七月

冬公及齊人狩于郕。

郕齊地○郕古  
報反左氏作祚

傳齊人者齊侯也其曰人何也甲公之敵所以甲公也。內無貶  
公之道

穀梁傳

卷五 莊公

七 永懷堂

何爲甲公也不復讎而怨不釋刺釋怨也

五年春王正月

夏夫人姜氏如齊師

傳師而曰如衆也。言師衆大如國故可以言  
如若言如齊侯則不可婦人旣嫁不踰竟

踰竟非禮也

秋邠黎來朝

黎來各也○  
出五兮反

邠國也黎來微國之君未爵命者也

八 蔡人伐衛

是齊侯宋公也其曰人何也人諸侯所以人公也其人公何

也。逆天王之命也。王不欲立朔也。

六年春王二月王人子突救衛。

徐邈曰諸侯不奉王命朔遂得篡王威屈辱有危故月也救衛於義善故重子突功不立故著其危。

傳王人甲者也稱名貴之也。

何休以為稱子則非名也鄭君釋衛命救衛故貴之貴之則子突為字可知明矣此名當為字誤兩徐乾曰王人者卑者之稱也當直稱王人而已今以其能奉

天子之命故衛而拒諸侯故加名以貴之。善救衛也救者善則

位者不正矣。

穀梁傳 卷五 莊公

夏六月衛侯朔入于衛。

傳其不言伐衛納朔何也。

據九年伐齊納糾言納不逆天王之命也。不與諸侯

得納王入者內弗受也何用弗受也為以王命絕之也朔之名

之所絕惡也朔入逆則出順矣朔出入名以王命絕之也。

秋公至自伐衛。  
傳惡事不致此其致何也。據襄九年時有穆姜之喪會諸侯伐鄭不致不致則無用

見公之惡事之成也。

蟬

冬齊人來歸衛寶。

傳以齊首之分惡於齊也使之如下齊而來我然惡戰則殺矣  
若衛自歸寶於齊過齊然後與我齊首其事則我與王  
人戰罪差減○惡鳥各反下同殺色界反過古禾反

七年春夫姜氏會齊侯于防

防魯地也○齊侯曰來星候齊侯之慶不具其星滿則棄天子無降  
地○齊侯曰來星候齊侯之慶不具其星滿則棄天子無降

傳婦人不會會非正也以文士論之謂星不降也

夏四月辛卯昔恆星不見夜中星隕如雨如日則星不降也

傳恆星者經星也經常也謂常列宿日入至於星出謂之昔不見者可

以見也夜中星隕如雨如而也星既隕而復雨其隕也如雨是夜中與星既

隕而雨必晦暝安知夜中乎春秋著以傳者疑以傳疑明實中之幾也而曰

穀梁傳 卷五 莊公 九 永懷堂

夜中著焉爾幾微也星既隕而雨中微難知而何用見其中也

失變而錄其時則夜中矣天星變之始而錄其已隕之時檢錄漏刻以知夜中其不曰恆

星之隕何也我知恆星之不見而不知其隕也我見其隕而接

於地者則是雨說也言我見從上來接於下然後可著於上見

於下謂之雨著於下不見於上謂之隕豈雨說哉解經不得言

星也鄭君曰衆星列宿諸侯之象不見者是諸侯棄天子禮義  
法度也劉向日隕者象諸侯隕墜失其所也又夜中而隕者象

不終其性命  
中道而落

秋大水大水者水之盛也

傳高下有水災曰大水水之盛也

無麥苗。曰。麥苗同時也。麥與黍稷之類。同時成。故曰。麥苗同時也。

傳。麥苗同時也。麥與黍稷之類。同時成。故曰。麥苗同時也。

冬夫人姜氏會齊侯于穀。齊師。

穀。齊地。對。今。在。齊。國。界。內。

傳。婦人不會。會非正也。謂。不。會。也。會。非。正。也。謂。不。會。也。

八年春。王正月。師次于郎。以俟陳人蔡人。謂。陳。蔡。欲。伐。魯。魯。欲。待。之。故。出。師。以。待。之。故。出。師。以。待。之。

時。陳。蔡。欲。伐。魯。魯。欲。待。之。故。出。師。以。待。之。故。出。師。以。待。之。

傳。次。止也。俟。待也。

甲午治兵。

穀梁傳。

卷五 莊公

傳。出曰治兵習戰也。人曰振旅習戰也。振。整也。治。兵。而。陳。蔡。不。

至矣。兵事以嚴終。以。嚴。整。終。事。故。敵。人。不。至。故。曰。善。陳。者。不。戰。此。之。謂。也。善。

為國者不師。導。之。以。德。齊。之。以。禮。江。熙。曰。鄰。國。望。我。歡。若。親。戚。何。師。之。為。陳。直。觀。反。善。師。者。不。陳。

師。眾。素。嚴。不。須。耀。軍。列。陳。江。熙。曰。上。兵。伐。謀。何。乃。至。陳。善。陳。者。不。戰。軍。陳。嚴。整。敵。望。善。戰。而。畏。之。莫。敢。戰。善。戰。

者不。死。投。兵。勝。地。故。無。死。者。江。熙。曰。辟。實。攻。虛。則。不。死。善。死。者。不。亡。民。盡。其。命。無。奔。背。散。亡。者。也。江。熙。曰。

見。危。授。命。義。存。君。親。雖。沒。猶。存。背。音。佩。

夏師及齊師圍郕。郕降于齊師。

降。戶。江。熙。曰。苗。同。音。八。反。下。同。郕。與。齊。對。也。

傳。其曰降于齊師。何。不使齊師加威於郕也。郕。同。姓。之。國。而。與。齊。伐。之。是。用。師。之。

永懷堂

過也故使若齊無  
武功而鄭自降

秋師還

○還 師還者事未畢也 遜也 鄭已降而以未畢為文者蓋 辟滅同姓之國示不卒其事

冬十有一月癸未齊無知弑其君諸兒

傳大夫弑其君以國氏者嫌也弑而代之也

九年春齊人殺無知○齊無知 魯無知 大夫不齊 魯無知 大夫不齊 魯無知 大夫不齊

傳無知之擊失嫌也稱人以殺大夫殺有罪也

公及齊大夫盟于暨

穀梁傳

卷五 莊公

暨魯地 暨其 器反左氏作暨

傳公不及大夫

春秋之義則大夫可以會諸侯公不可以盟外 大夫所以明尊卑定內外也今齊國無君要當 有狂其盟者故 禮君前臣名齊無 君故大夫不名 盟納子糾 不得不以權通

也不日其盟渝也○變盟立 當齊無君制在公矣當可納而不納

故惡內也○票鳥路 反下皆同

夏公伐齊納糾

不言子糾而直云糾者盟聚在於魯故擊之也春秋於內公子 為大夫者乃記其奔子糾不為大夫故不書其奔鄭忽既受命 糾殺是以書其出然則重非嫡嗣官非大夫皆事例所畧故許 叔蔡季小白重耳迪亦不書出 糾左氏作子糾重直龍反

傳當可納而不納齊變而後伐故乾時之戰不諱敗惡

公及齊大夫盟于暨

穀梁傳

曰二年溺會齊師伐衛故敗而名之四年公及齊人狩  
之曰於讐不後則怨不纒而魯釋怨屢會仇讐二貶其臣  
其君亦足以責魯臣子其餘則同不復談也至於伐齊納糾讖  
當可納而不納爾此自正義不相反也嘗謂讐者無時而可與  
通縱納之運晚又不能全保讐子何足以惡內乎然則乾時之  
戰不諱敗齊人取子糾殺之皆不逆其文正書其事內之大惡  
不待貶絕居然顯矣二十四年公如齊親迎亦其類也惡內之  
言傳或失之○逆  
音于迎魚敬反

齊小白入于齊而子糾奔莒而迎魯

傳大夫出奔反以好曰歸成十四年衛孫林父自晉歸于衛是也以惡曰入齊公

孫無知弑襄公公子糾公子小白不能存出亡子糾奔魯齊人小白奔莒

殺無知而迎公子糾於魯公子小白不讓公子糾先入又殺之

穀梁傳 卷五 莊公 十一 永懷堂

于魯故曰齊小白入于齊惡之也惡焉路反

秋七月丁酉葬齊襄公

諸公子爭立國亂故危之

八月庚申及齊師于乾時我師敗績

不言及者主名內之甲首乾時齊地

九月齊人取子糾殺之

言子糾者明又不謂全看讐子糾其以惡內齊師敗績其貴宜為君

傳外不言取言取病內也取易辭也猶曰取其子糾而殺之云

爾猶言自齊之子糾今取而殺之言魯不能救護也○易以故反十室之邑可以逃難百室之

邑可以隱死以千乘之魯而不能存子糾以公為病矣

久浚洙

○浚音峻

○浚洙者浚洙也著力不足也畏齊難

十年春王正月公敗齊師于長勺

長勺地名在魯國之南也魯國之南曰長勺魯國之北曰穀丘魯國之東曰蒙魯國之西曰蒙

○傳不日疑戰也疑戰者言不日疑戰而曰敗勝內也勝內謂勝在內

二月公侵宋

○傳侵時此其月何也乃浚其怨於齊又退侵宋以象其敵惡之

穀梁傳

卷五 莊公

五

承襲堂

故謹而月之○惡身路反

三月宋人遷宿

○傳遷亡辭也為人所遷則無復國家故曰亡其不地病不復見

也國亡不復見經不言滅者言滅則殺其君滅其宗廟社稷就而有之不遷其民遷者猶未失其國家

以往者也謂自遷者僖元年邢遷于夷儀成十五年許遷于葉之類是也彼二傳日遷者猶得其國家以往者也此

傳云遷者猶未失其國家以往互文也○葉舒涉反

夏六月齊師宋師次于郎

○傳次止也畏我也

公敗宋師于乘丘

乘邱魯地。  
乘繩盜反。

傳不曰疑戰也疑戰而曰敗勝內也。

秋九月荆敗蔡師于莘。

莘蔡地。

以蔡侯獻武歸。

武左。

傳荆者楚也何為謂之荆狄之也何為狄之聖人立必後至天

子弱必先叛故曰荆狄之也蔡侯何以名也據僖十五年秦絕

之也何為絕之獲也中國不言敗及楚子戰于邲晉師敗績不

穀梁傳

卷五 莊公

十四

永懷堂

言敗晉師。此其言敗何也中國不言敗蔡侯其見獲乎其言

敗何也釋蔡侯之獲也以歸猶愈乎執也為中國諱見執故言以歸

冬十月齊師滅譚譚子奔莒。

桓十一年鄭忽出奔衛傳曰其名失國也十六年衛侯朔出奔

齊傳曰朔之名惡也然則出奔書各有二義譚子國滅不名蓋

十有一年春王正月。

夏五月戊寅公敗宋師于鄆。

鄆魯地。

傳內事不言戰舉其大者其曰成敗之也結日列陳不以詳相

葉得敗師之道故曰

成也。○陳直觀反。宋萬之獲也。

秋。宋大水。

○傳外災不書。此何以書。王者之後也。高下有水災曰大水。

冬。王姬歸于齊。

○傳其志。適我也。○過市禾反。

十有二年。春。王三月。紀叔姬歸于鄆。

○鄆。紀邑也。紀季所用入于齊者。紀國既滅。故歸鄆。

○傳國而曰歸。此邑也。其曰歸。何也。吾女也。失國喜得其所。故言

歸焉爾。江熙曰。四年齊滅紀。不言滅而言去者。義有所見。爾則國滅也。叔姬來歸。不書。非歸寧。且非大歸也。叔姬守

穀梁傳

卷五 莊公

五

亦懷堂

節積有年矣。紀季雖以鄆入于齊。不敢懷貳。然襄公豺狼未可。聞信。相公既立。德行方宣。於天。下是以叔姬歸于鄆。魯喜其女

得申其志。

夏四月。

秋八月甲午。宋萬弑其君捷。

○宋。閔公。

○傳宋萬。宋之卑者也。卑者以國氏。及其大夫仇牧。以尊及卑也。

仇牧。閉也。仇牧扞衛其君。故見殺也。桓二年傳曰。臣既死。君不恐。稱其名。今仇牧書名。則知宋君先弑。

冬十月。宋萬出奔陳。

○宋。久不討賊。致令得奔。故謹而月之。

有三年春齊人宋人陳人蔡人邾人會于北杏。

北杏齊地。

傳是齊侯宋公也其曰人何也始疑之何疑焉相非受命之伯

也將以事授之者也。言諸侯將權時推齊侯使行伯事。曰可矣乎未乎。邵曰疑齊相雖

非受命之伯諸侯推之舉人衆之辭也。稱人言作王命更可以爲伯乎未也。

夏六月齊人滅遂。

傳遂國也其不曰微國也。

秋七月。

冬公會齊侯盟于柯。

穀梁傳

卷五 莊公

十六

求懷堂

柯齊地。

傳曹劌之盟也信齊侯也。曹劌之盟經傳無交蓋有信者也。公羊傳曰要盟可犯而桓公不欺曹子

可讎而桓公不怨桓公之信著於天下。桓盟雖內與不曰信也。

自柯之盟始。鄰皆衛反要於遙反。公盟例曰外諸侯盟例不曰桓大信遠著故雖公與盟猶不曰與音預注同。

十有四年春齊人陳人曹人伐宋。

夏單伯會伐宋。

音善。

傳會事之成也。伐事已成。單伯乃至。

秋七月荆入蔡。

傳荆者楚也。其曰荆，何也？州舉之也。州不如國。言荆不如言楚。國不如

名。言楚不加言介葛廬。名不如字。言介葛廬不如言荆儀父。

冬單伯會齊侯鄭伯于鄆。

鄆，衛地。鄆音絹。

傳復國會也。諸侯欲推以爲伯，故復國會于此以謀之。

十有五年春，齊侯、宋公、陳侯、衛侯、鄭伯會于鄆。

傳復國會也。爲欲推桓爲伯，故復會於此。爲欲于僞反。

夏，夫人姜氏如齊。

傳婦人既嫁，不踰竟。踰竟，非禮也。

穀梁傳

卷五 莊公

七 浙江書局補刊

秋，宋人、齊人、邾人伐郕。

宋主兵，故序齊上也。班序上下，以國大小爲次。夷狄在下，征伐則以主兵爲允。春秋之常也。它皆放此。

鄭人侵宋。

冬十月。

十有六年春，王正月。

夏，宋人、齊人、衛人伐鄭。

秋，荆伐鄭。

冬十有二月，會齊侯、宋公、陳侯、衛侯、鄭伯、許男、曹伯、滑伯、滕子、同

盟于幽。

幽宋地。○  
滑于八反

傳同者有同也。同尊周也。不言公外內寮一疑之也。

十三年春會于北杏。

諸侯俱疑齊桓非受命之伯。欲共以事推之。可乎。今于此年諸侯同共推桓。而魯與齊繼外內同一疑。公可事齊。不會不書。公以著疑焉。同官為齊。謂諸侯也。至二十七年。同盟于幽。遂伯齊侯。

邾子克卒。

傳其曰子進之也。

附齊而尊周室。王命進其爵。

十有七年春。齊人執鄭詹。

詹者。廉反。

傳人者眾辭也。以人執。與之辭也。

與令得執。令力呈反。

鄭詹鄭之卑者。

穀梁傳

卷五

莊公

大浙江書局補刊

卑者不志。此其志。何也。以其逃來志之也。逃來則何志焉。將有其末。不得不錄其本也。未謂逃來。鄭詹鄭之佞人也。

夏齊人殲于遂。

殲子。廉反。

傳殲者盡也。然則何為不言遂人盡齊人也。無遂之辭也。無遂

則何為言遂。其猶存遂也。

以其能殺齊成。故若遂之存。

存遂奈何。曰齊人滅

遂。使人戍之。遂之因氏飲戍者酒而殺之。齊人殲焉。此謂狎敵

也。狎猶輕也。

秋鄭詹自齊逃來。

傳逃義曰逃齊稱人以執是執有罪也執得其罪故曰義也今而逃之是逃義也

冬多麋京房易傳曰麋正作淫為火不明則國多麋心麋亡悲哀反

十有八年春王三月日有食之

傳不言日不言朔夜食也何以知其夜食也曰王者朝日王制曰天子立冕而朝日於東門之外故日始出而有虧傷之處是以知其夜食也何休曰春秋不言月食日者以其無形故闕疑其夜食何繇書乎鄭君釋之曰一日一夜合為一日今朔日日始出其食有虧傷之處未復故知此自以夜食夜食則亦屬前月之晦故穀梁子

不以為疑故雖為天子必有尊也貴為諸侯必有長也故天子朝日諸侯朝朔長丁丈反

穀梁傳卷五莊公

十九 永懷堂

夏公追戎于濟西

禮反濟子

傳其不言戎之伐我何也以公之追之不使戎邇於我也邇猶近也

不使戎得逼近於我故君入竟望風退走于濟西者大之也何大焉為公之追之也

言戎遠來至濟西必大言徒眾以公日追之知其審然心為子偽反

秋有蟹

蟹短狐也蓋舍沙射人京房易傳曰忠臣進善君不識厥咎國生蟹蟹本亦作蟻音或

傳一有一亡曰有蟹射人者也

冬十月

春秋穀梁傳卷五

明倫彙編 家範典 卷五

有九年春

四月

春秋穀梁傳卷五

終

穀梁傳

卷五

莊公

子

永懷堂

春秋穀梁傳卷五



有一亡自有

十月

春秋穀梁傳卷六 夫人姜氏如莒

晉豫章太守順陽范甯集解

後學 東吳高 堯較訂

莊公 不與齊會盟

十有九年春王正月

夏四月 日 穀梁傳

秋 公子結媵陳人之婦于鄆 遂及齊侯宋公盟

媵以證反 又說證反 國之盟微自託於夫

媵 淺事也不志 此其志何也 辟要盟也

穀梁傳 卷六 莊公 永懷堂

國未審得盟與不故以媵婦為名得盟 則盟不則止此行有辭也 要於遙反 何以見其辟要盟也 媵

禮之輕者也 盟國之重也以輕事遂乎國重無說

他異說故知 辟要 其曰陳人之婦略之也 但為遂事假緣媵事耳故略言陳

盟耳 其不日 數渝惡之也 數音朔 惡為路反

夫人姜氏如莒

傳 婦人既嫁不踰竟踰竟非正也

齊人 宋人 陳人 伐我西鄙

傳 其曰鄙遠之也 其遠何也 不以難邇我國也

三十年春王二月 夫人姜氏如莒

夫人此年如昔過而不敗無禮尤甚故謹而月之

**傳**婦人既嫁不踰竟踰竟非正也

夏齊大災

**傳**其志以甚也

外災不志甚謂災及人也外災例時

秋七月

冬齊人伐我

二十有一年春王正月

夏五月辛酉鄭伯突卒

秋七月戊戌夫人姜氏薨

穀梁傳

卷六 莊公

永懷堂

**傳**婦人弗目也

鄭嗣曰弗目謂不用言其地也婦人無外事居有常所故葬不書地僖元年傳曰夫人薨不地

此言弗目蓋互辭爾定九年得寶玉大弓傳曰弗目羞也蓋此類也江熙曰文姜有弑公之逆而弗目其罪弗目謂不題目文姜薨所也一

日弗目其罪

冬十有二月葬鄭厲公

二十有二年春王正月肆大眚

○皆所 景反

**傳**肆失也眚災也

易稱赦過宥罪書稱宥災肆赦經稱肆大眚皆放赦罪人滂滌衆故有時而用之非經國

之常

**災**紀也失故也

災謂罪惡紀石理也有罪當治理之今失之者以文姜之故

為嫌天子

之葬也

文姜罪應誅絕誅絕之罪不葬若不赦除衆惡而書葬者嫌天子許之明須赦而後得葬○為于偽反

癸丑葬我小君文姜

**傳**小君非君也

不治其民

其曰君何也以其為公配可以言小君也

陳人殺其公子禦寇

禦寇宣公之子○具御魚呂反又作御突

**傳**言公子而不言大夫公子未命為大夫也其曰公子何也公

子之重視大夫

視此

命以執公子

大夫既命得執公子之禮一本大夫命以視公子

夏五月

以五月初時寧所未詳

秋七月丙申及齊高傒盟于防

穀梁傳

卷六

莊公

三

永懷堂

**傳**不言公高傒仇也

書日則公盟也高傒驕仇與公敵體耻之故不書公○仇苦浪反

冬公如齊納幣

**傳**納幣大夫之事也禮有納采

采擇女之德性也其禮用鴈為贄者取順陰陽往來

有問

名

問女名而卜之知吉凶也其禮如納采

有納徵

徵成也納幣以成婚

有告期

告迎期○四迎魚敬反

者備而後娶禮也公之親納幣非禮也故譏之

文色譏親納幣者喪婚不待既絕而罪惡見

二十有三年春公至自齊

祭叔來聘

祭叔天子褒肉諸侯叔各祭側界反褒音縣又音環

傳其不言使何也天子之內臣也不正其外交故不與使也何  
曰南季宰渠伯糾家父宰周公來聘皆稱使獨于此奪之何也  
鄭君釋之曰諸稱使者是奉王命其人無自來之意今祭叔不  
一心於王而欲外交不得王命  
末故去使以見之○去起呂反

夏公如齊觀社

傳常事曰視視是也非常曰觀觀無事之辭也  
言無朝會之事以

是為尸女也尸主也主為女往爾以觀無事不出竟社為辭○主為于偽反

公至自齊

傳公如往時正也正謂無危也致月故也如往月致月有

思焉爾

穀梁傳 卷六 莊公

荆人來聘

傳善泉而後進之其曰人何也舉道不待再明聘問之禮朝宗

能故一舉而進之

公及齊侯遇于穀

傳及者內為志焉爾遇者志相得也

蕭叔朝公

傳微國之君未爵命者其不言來於外也言於穀朝於廟正也

於外非正也

秋丹桓宮楹

櫨 柱

傳禮天子諸侯黝聖黝聖黑色○黝於斜反又於柳反聖鳥路反又烏各反大夫倉士註

難黃色○能他苟反丹楹非禮也

冬十有一月曹伯射姑卒

射音赤本或作亦

丁有二月甲寅公會齊侯盟于扈

相盟不日此盟日者前公如齊觀社傳曰觀無事之辭以是爲尸女也公怠棄國政此行犯禮憂危甚矣霸主降心親與之盟實有弘濟之功而魯得免於罪臣子所慶莫重於此時事所重文亦宜詳故特謹日以著之○扈音戶

三十有四年春王三月刻桓宮楹

穀梁傳

卷六 莊公

五

永懷堂

○楹音角

傳禮天子之楹斷之礮之加密石焉以細石磨之○礮力公反諸侯之楹斷

之礮之大夫斲之士斲本刻楹非正也夫人所以崇宗廟也取

非禮與非正而加之於宗廟以飾夫人非正也非禮謂娶嬖女非正謂刻楹丹

楹也本非宗廟之宜故日加言將親迎欲爲夫人飾又非正也○迎魚敬反下皆同刻桓宮楹丹桓宮楹

斤言桓宮以惡莊也不言新宮而謂之桓宮以相見殺於齊而飾其宗廟以榮魯國之女惡莊不予

葬曹莊公

夏公如齊逆女

傳親迎何事也不志此其志何也不正其親迎於齊也

秋公至自齊

一傳迎者行見諸舍見諸諸之也言瞻望夫人先至非正也

八月丁丑夫人姜氏入

哀姜

傳入者內弗受也日入惡入者也何用不受也以宗廟弗受也

其以宗廟弗受何也娶仇人子弟以薦舍於前其義不可受也

薦進舍置

戊寅夫宗婦覲用幣

宗婦同宗大夫之婦

穀梁傳

卷六 莊公

六

永懷堂

傳覲見禮大夫不見夫人不言及不正其行婦道故列數之

也男子之贄羔鴈雉脰贄所以至者也上大夫用羔取其從羣帥而不黨也下大夫用鴈取其知時飛

也脰脰也雉必用夾為其不可生服也夏用脰脰腐臭也婦人

之贄棗栗銀修棗取其早自於莊栗取其敬栗銀修取斷斷自修整用幣非禮也

用者不宜用者也大夫國體也國體謂為君股肱而行婦道惡之故謹

而日之也惡鳥路反

大水

冬戎侵曹曹羈出奔陳

赤歸于曹郭公

傳赤蓋郭公也何為名也禮諸侯無外歸之義外歸非正也

曰郭公郭國之君也名赤蓋不能治其國舍而歸于曹君為社稷之主承宗廟之重不能安之而外歸他國故但書名以罪而

懲之不直言赤復云郭公者恐不知赤者是誰將若魯之微者故也以郭公著上者則是諸侯失國之例是無以見微之義

郭公羊音號著張慮反又張略反

二十有五年春陳侯使女叔來聘

女氏叔字女音汝

傳其不名何也據成三年晉侯使荀庚來聘稱名天子之命大夫也

夏五月癸丑衛侯朔卒

惠公也犯逆失德故不書葬

穀梁傳

卷六 莊公

七

永懷堂

六月辛未朔日有食之鼓用牲于社

傳言日言朔食正朔也鼓禮也用牲非禮也天子放日置五麾

陳五兵五鼓麾旌幡也五兵矛戟鉞楯弓矢諸侯置三麾陳三鼓三兵大夫擊

門士擊柝言充其陽也凡有聲皆陽事以壓陰氣柝雨木相擊充實也柝吐洛反

伯姬歸于杞

傳其不言逆何也逆之道微無足道焉爾

秋大水鼓用牲于社于門

門國門也

傳高下有水災曰大水既戒鼓而駭眾用牲可以已矣救日以

鼓兵救水以鼓衆。

冬公子友如陳。

二十有六年春公伐戎。

夏公至自伐戎。

曹殺其大夫。

傳言大夫而不稱名姓無命大夫也無命大夫而曰大夫賢也

為曹羈崇也

徐遜曰于時微國衰陵不能及禮其大夫降班失位下同於上故略稱人而傳謂之無命大夫也

度莒擊邾庶其邾快皆特以事書非實能貴故略名而已楚雖荆蠻漸自通於諸夏故並二十三年書荆人來聘文九年又襄而書名國轉體大書之益詳然當僖公文公之世楚猶未能自同于列國故得臣及椒並略名惟屈完來會諸侯以殊禮成之

穀梁傳

卷六 莊公

八

永懷堂

楚莊王之興為江漢盟主與諸夏之君權行抗禮其勢疆于當年而事交於內外故春秋書之遂從中國之例夫政俗隆替存乎其人三后之姓日失其序而諸國乘間與之代興因詳畧之文則可以見時事之實矣秦爵伯也上據西周班列中夏故得稱師有大夫其大夫當名氏而文十二年秦術略名蓋于時晉主晉盟而秦方敵晉則魯之于秦情好疏矣禮以飾情情疏則禮略春秋所以略文乎又吳札不書氏以成尊于上也宋之盟叔孫豹不書氏以著其能恭此皆因事而為義○為曹子偽反

秋公會宋人齊人伐徐

冬十有二月癸亥朔日有食之

二十有七年春公會杞伯姬于洮

伯姬莊公女洮魯地洮他乃反本或作桃

夏六月公會齊侯宋公陳侯鄭伯同盟于幽。

傳同者有同也。同尊周也。於是而後授之諸侯也。其授之諸侯

何也。齊侯得眾也。桓會不致安之也。桓盟不曰信之也。信其信

仁其仁。衣裳之會十有一。未嘗有歃血之盟也。信厚也。  
會北杏

十四年會鄆十五年又會鄆十六年會幽一十七年又會幽信

元年會檉二年會賈三年會陽穀五年會首戴七年會盩母九

年會葵邱。檉它責反又勅丁反。盩如字又音甯母音無又茂后反。

兵車之會四。未嘗有大戰也。

愛民也。  
信八年會洮十三年會鹹十五年會北邱十六年會淮

也。此則以兵車  
會而不用征伐。

秋公子友如陳葬原仲。

穀梁傳

卷六 莊公

九浙江書局補刊

原仲陳大夫

原氏仲字。

傳言葬不言卒。不葬者也不葬而曰葬諱出奔也。  
外大夫例。不葬而曰葬諱出奔也。言

友辟內難而出以葬原

仲為辭。難乃且反。

冬杞伯姬來。

歸

莒慶來逆叔姬。

慶名也。莒大夫也。叔姬莊公女。禮檀弓記曰。陳莊子死。赴於魯

魯人欲勿哭。繆公召縣子而問焉。縣子曰。古之大夫束修之問

不出竟。雖欲哭之安得而哭之。今之大夫交致於中國。雖欲勿

哭安得而勿哭。則大夫越竟逆女非禮也。董仲舒曰。大夫無束

修之餽。無諸侯之交。越竟逆女紀罪之。

繆音穆。縣音玄。竟音境。焉於虔反。

傳諸侯之嫁子於大夫，主大夫以與之。君不來者，接內也。不正

其接內，故不與夫婦之稱也。接內，謂與君為禮也。夫婦之稱，當言逆女。

杞伯來朝。

杞稱伯，蓋時王所絀。

公會齊侯于城濮。

城濮，衛地。

二十有八年，春，王三月，甲寅，齊人伐衛，衛人及齊人戰，衛人敗績。

傳於伐與戰，安戰也。問在何處戰。

戰衛戰，則是師也。

其曰人何也，微之也，何為微之也？今授之諸侯，而後有侵伐之事，故微之也。其

穀梁傳

卷六 莊公

十浙江書局補刊

人衛何也，以其人齊不可不人衛也。

齊桓始受方伯之任，未能信著鄰國，致有侵伐之事。

貶師稱人以微之也，人不可以敵于師，師不可以與人戰，故亦以衛師為人衛，非有罪。

衛小齊大，其以衛

及之何也，以其微之，可以言及也。其稱人以敗，何也不以師敗

於人也。人輕而師重。

夏四月，丁未，邾子貜卒。

秋，荆伐鄭。

傳荆者，楚也。其曰荆，州舉之也。

公會齊人、宋人救鄭。

傳善救鄭也。

冬築微

微魯邑○微左氏作糜

傳山林藪澤之利所以與民共也虞之非正也

虞典禽獸之官言規因而築之

又置官司以守之是不與民共何利也築不志凡志皆譏也築例時

大無麥禾

傳天者有顧之辭也於無禾及無麥也

一災不書於冬無禾而不後顧錄無麥故言大明

不收甚

臧孫辰告糴于齊

臧孫辰魯大夫臧文仲○糴音狄

穀梁傳

卷六

莊公

十一

永懷堂

傳國無三年之畜曰國非其國也一年不升告糴諸侯告請也

糴糴也不正故舉臧孫辰以為私行也

為內諱故不稱使使若私行○畜勅六反下同

為內于偽反

國無九年之畜曰不足無六年之畜曰急無三年之畜

曰國非其國也諸侯無粟諸侯相歸粟正也臧孫辰告糴于齊

告然後與之言內之無外交也古者稅什一

宣十五年注詳矣

豐年補

敗

敗謂凶年不外求而上下皆足也雖累凶年民弗病也一年不艾

而百姓饑君子非之不言如為內諱也

艾牛蓋反

二十九年春新延殿

廢九又反

傳延廢者法廢也

周禮天子十二閑馬六種邦國六閑馬四種每廢一閑言法廢者六閑之舊制也

言新有故也

言改故而新之

有故則何為書也古之君人者必時視民

之所勤民勤於力則功築罕

罕希

民勤於財則貢賦少民勤於食

則百事廢矣

凶荒殺禮殺所界反

冬築微春新延廢以其用民力為已

悉矣

悉盡

夏鄭人侵許

秋有蜚

穀梁說曰蜚者南方臭惡之氣所生也象君臣淫泆有臭惡之行○蜚扶味反行下孟及

傳一有一亡曰有

穀梁傳

卷六

莊公

十一

永懷堂

冬十有二月紀叔姬卒

紀國雖滅叔姬執節守義故繫之絕賢而錄之

城諸及防

諸防皆魯邑

傳可城也以大及小也

傳例曰凡城之志皆譏今云可者謂冬可用城不妨農役耳不謂作城無譏

三十年春王正月

夏師次于成

傳次止也有畏也欲救鄭而不能也不言公恥不能救鄭也

音章

鄭刻善去通山里被竊一陳言去通者六陳之舊制也

秋七月齊人降鄆。

○降戶江反

**傳**降猶下也鄆紀之遺邑也

八月癸亥葬紀叔姬

**傳**不日卒而日葬閔紀之亡也

九月庚午朔日有食之鼓用牲于社

按日用牲既失之矣非正陽之月而又伐鼓亦非禮

冬公及齊侯遇于魯濟

濟水名○濟子禮反

穀梁傳

卷六 莊公

十一

永懷堂

**傳**及者內為志焉爾遇者志相得也

齊人伐山戎

**傳**齊人者齊侯也其曰人何也愛齊侯乎山戎也

不以齊侯敵乎山戎故稱

人其愛之何也桓內無因國外無從諸侯而越千里之險北伐

山戎危之也

內無因緣山戎左右之國為內間者外無諸侯者不煩役寮國○從才用反

則非之乎

善之也

遠伐山戎雖危勤王職貢則善

何善乎爾燕周之分子也

燕周大係召康公之後成

王所封分子謂周之別子孫也

貢職不至山戎為之伐矣

言由山戎為害伐擊

燕使之隔絕於周室

三十有一年春築臺于郎

夏四月薛伯卒。

築臺于薛。

薛魯地。

六月齊侯來獻戎捷。

獻下奉止之辭也。春秋尊魯故曰獻。

齊侯來獻捷者內齊侯也不言使內與同不言使也。

泰曰齊桓內救。

中國外攘夷狄親倚之情不以齊為異國故不稱使若同一國也。

獻戎捷軍得曰捷戎救也。

秋築臺于秦。

秦魯地。

穀梁傳

卷六 莊公

十四

承懷堂

不正罷民三時虞山林藪澤之利且財盡則怨方盡則

恨也。罷音皮下同。

君子危之故謹而志之也。或曰倚諸桓也桓外無諸

侯之變內無國事越千里之險非伐山戎為燕辟地。

辟開。辟亦反。

魯外無諸侯之變內無國事一年罷民三時虞山林藪澤之利

恐內也。

譏公依倚齊桓而與相行。異。惡鳥路反。行下孟反。

冬不雨。

三十有二年春城小穀。

小穀魯邑。

夏宋公齊侯遇于梁丘。

傳遇者志相得也。梁丘在曹邾之間。去齊八百里。非不能從諸侯而往也。辭所遇。遇所不遇。大齊桓也。辭所遇謂八百里間諸侯必有願從者而不之遇所不遇謂遠遇宋公也。

秋七月癸巳公子牙卒。

牙慶父同母弟何休曰傳例大夫不日卒惡也牙與慶父其淫哀美謀殺子般而日卒何也鄭君釋之曰牙莊公母弟不言死其惡已見不待去日矣齊案傳例諸侯之尊弟兄不得以屬通蓋以禮諸侯絕蕃而臣諸父兄弟稱昆弟則是申其私親也宣十七年公弟叔肸卒傳曰其日公弟叔肸賢之也然則不稱弟自其常例耳鄭君之說其所未詳也。

八月癸亥公薨于路寢。

公薨皆書其所謹凶變。

穀梁傳

卷六 莊公

十五

永懷堂

傳路寢正寢也寢疾居正寢正也男子不絕于婦人之手以齊

終也

齊繫○齊側皆反

冬十月乙未子般卒。

在喪故稱子般其名也莊公大子不書統諱也

傳子卒日正也

襄三十一年秋九月癸巳子野卒是也

不日故也

文十八年冬十月子赤卒是也

有所見則日

閔公不書即位是見繼蒞者也故慶父弑子般子般可以日卒不待不日而顯

子慶父如齊

傳此奔也其日如何也

據閔二年慶父弑魯不言如何

諱莫如深深則隱

深謂君能

賊奔隱痛之至也故子般日卒慶父如齊苟有所見莫如深也

閔公不書即位見子般之弑慶父出奔

閔公不書即位見子般之弑慶父出奔

狄伐邢。曰春仲孫之也。其不目而曰仲孫之也。

閔公

元年春王正月。其說如齊魯曰季子歸來。其說由來國人思公恨其也。

傳繼弑君不言即位正也親之非父也。兄尊之非君也。未踰繼年也。

之如君父也者受國焉爾。此子思子之美也。其曰來歸喜之也。

齊人救邢

傳善救邢也。善齊相得伯之道。

夏六月辛酉葬我君莊公。

傳莊公葬而後舉謚謚所以成德也於卒事乎加之矣。

穀梁傳

卷六 閔公

十六

永懷堂

秋八月公及齊侯盟于洛姑。

洛姑齊地。

傳盟納季子也。

季子來歸

傳其曰季子貴之也。大夫稱名氏今日子是貴之也。子男子之美稱。其曰來歸喜之也。

大夫出使歸不書執然後致不言歸國內之人不曰來今言來者明本欲遂去同他國之人也。言歸者明實歸人也。喜之者季子賢大夫以亂故出奔國人思之想其遂去不反今得其還故皆喜曰季子歸來。

去不反今得其還故皆喜曰季子歸來。

冬齊仲孫來

傳其曰齊仲孫外之也。魯絕之故繫之于齊其不自而曰仲孫疏之也。不

謂不言公 其言齊以累桓也。繫仲孫於齊言相容

二年春王正月齊人遷陽。

夏五月乙酉吉禘于莊公。

三年喪畢致新久之之主於廟廟之遠主當遷入太祖之廟因是大祭以審昭穆謂之禘莊公喪制未闕特別立廟廟成而吉祭之不於大廟故詳書以示譏○大音泰下同闕苦穴反

傳吉禘者不吉者也喪事未畢而舉吉祭故非之也。莊公薨王

正月喪未畢

秋八月辛丑公薨。

傳不地故也其不書葬不以討母葬于也。凡君薨賊討則書葬哀姜實欲討而不肯

穀梁傳

卷六 閔公

十七 永懷堂

葬者不以討母葬于

九月夫人姜氏孫于邾。

哀姜與微閔公故出奔○孫音遜

傳孫之為言猶孫也諱奔也。諱而舉言孫效非之也

公子慶父出奔莒。

傳其曰出絕之也慶父不復見矣。慶父弑子般閔公不書弑諱之

冬齊高子來盟。

傳其曰來喜之也其曰高子責之也盟立僖公也不言使何也。

據桓十四年鄭伯使齊弟禦來盟言使不以齊侯使高子也重權其禍今若高子

自來非齊侯所得使也猶屈完不稱使也江熙曰魯類狄君僖  
公非正也桓公遣高偃立僖公以存魯魯人德之不名其使以  
費之費其使則其主重矣  
○僖音奚其使所吏反

### 十有一月狄入衛

僖公二年城楚丘以封衛則衛為狄所滅明矣不言滅而言  
入者春秋為賢者諱齊桓公不能攘夷狄救中國故為之諱

### 鄭棄其師

**傳惡其長也兼不反其眾則是棄其師也**  
長謂高克也高克好利不顧其君文公惡

而遠之不能使高克將兵禦狄于竟陳其師旅翔朔河上久而  
不召眾將離散高克進之以禮文公退之不以道危國亡師  
之本○惡其為路反注同長丁丈反  
兼戶謙反又如字將子匹反竟音鏡

### 穀梁傳

### 卷六 閔公

六

永懷堂

下不召眾將離散高克進之以禮文公退之不以道危國亡師  
之本○惡其為路反注同長丁丈反  
兼戶謙反又如字將子匹反竟音鏡

### 十有一月狄入衛

僖公二年城楚丘以封衛則衛為狄所滅明矣不言滅而言  
入者春秋為賢者諱齊桓公不能攘夷狄救中國故為之諱

### 春秋穀梁傳卷六

閔公六年春齊侯使公子彭生與婦姜氏淫於宮中姜氏遂有身生莊公

春秋穀梁傳卷七

晉豫章太守順陽范甯集解

明後學 東吳金蟠較訂

僖公

元年春王正月

傳繼弑君不言卽位正也

齊師宋師曹師次于聶北救邢

聶北邢地

傳救不言次

據莊六年王人子突救衛不言次

言次非救也

次止也救赴急之意今方停止故知

穀梁傳

卷七

僖公

一

永懷堂

非救也

非救而曰救何也遂齊侯之意也

錄其本意

是齊侯與

怪其稱師齊

侯也何用見其是齊侯也

據經書齊師

曹無師曹師者曹伯也

小國君將

稱君卿將稱人不得稱師言師則是曹伯也曹君不可在師下故知是齊侯○將子匠反

其不言曹伯何也

以其不言齊侯不可言曹伯也其不言齊侯何也以其不足乎

揚不言齊侯也

救不及事不足稱揚

夏六月邢遷于夷儀

辟狄難夷儀邢地

東吳金

敏輝

傳遷者猶得其國家以往者也其地邢復見也

非若宋人遷宿滅不復見

齊師宋師曹師城邢

傳是向之師也使之如改事然美齊侯之功也是向薨北之無當言遂今復列

三國者美齊桓存亡國文賦又向許亮反本又作鄉

秋七月戊辰夫人姜氏薨于夷昭平顯齊魯處下左右曰孟姜

京姜不日薨齊魯齊魯而曰親類內也則何以惡乎給也

齊人以歸

傳夫人薨不地地故也不言以喪歸非以喪歸也加喪焉諱以

夫人歸也秦曰齊人實以夫人歸殺之于夷諱故使若自行至夷遇疾而薨然後齊人以喪歸也歸在墓前而今在

下是加喪之文也經不言以喪歸者以本非以喪歸也傳例曰以者不以者也微旨見矣其以歸薨之也歸

然後殺之

襄梁傳

卷七 僖公

二

永懷堂

楚人伐鄭

八月公會齊侯宋公鄭伯曹伯邾人于榿榿宋地○榿勃真而榿於榿人以其歸也禮奔榿前榿今榿反一本作打音同八榿以夫人歸榿于榿榿動榿前榿

九月公敗邾師于偃偃邾地○一本作偃

傳不日疑戰也疑戰而曰敗勝內也

麗魯地傳例曰獲者不與之辭○麗力他反挈女居反又女加反

冬十月壬午公子友帥師敗莒師于麗獲莒罕

傳莒無大夫其曰莒罕何也據非大夫不書以吾獲之目之也內不言

麗魯地傳例曰獲者不與之辭○麗力他反挈女居反又女加反

傳莒無大夫其曰莒罕何也據非大夫不書以吾獲之目之也內不言

獲獲者不與之辭主此其言獲何也據文十一二叔孫得臣敗狄于鹹不言獲長狄惡

公子之給給欺給也○惡鳥路反給徒乃反給者奈何公子友謂莒擊曰吾二

人不相說士卒何罪屏左右而相搏公子友處下左右曰孟勞

孟勞者魯之寶刀也公子友以殺之然則何以惡乎給也據得勝地

○說曰棄師之道也江熙曰經書敗莒師而傳云二人相搏則師不戰何以得敗理自不通也夫王赫斯

怒貴在爰整子所慎三戰居其一季友令德之人豈當舍三軍

之整佻身獨閭潛刃相害以決勝負者哉雖于載之事難明然

風味之所期古猶今也此又事之不然傳或失之○舍音捨佻他堯反又徒堯反

十有二月丁巳夫人氏之喪至自齊

傳其不言姜以其殺二子貶之也二子子般問公為齊桓諱殺同

殺梁傳 卷七 僖公 三 永懷堂

姓也 二年春王正月城楚丘

傳楚丘者何衛邑也國而曰城此邑也其曰城何也據元年齊師宋師莒

邢國也封衛也閏二年狄入衛遂滅則其不言城衛何也衛未遷也其不

言衛之遷焉何也據元年邢遷于夷儀言遷也不與齊侯專封也其言城之

者專辭也故非天子不得專封諸侯諸侯不得專封諸侯雖通

其仁以義而不與也存衛是桓之仁故通令城楚丘義不故曰

仁不勝道仁謂存亡國道謂上下之體

夏五月辛巳葬我小君哀姜

虞師晉師滅夏陽

傳非國而曰滅重夏陽也。虞無師，其曰師，何也？以其先晉不可

以不言師也。

人不得居師上貴賤之序。夏陽左氏下陽先蘇薦反。

其先晉何也？

據小不先大。

為主乎滅夏陽也。夏陽者，虞虢之塞邑也。

其地險要，故二國以為塞邑。

滅夏

陽而虞虢舉矣。虞之為主乎滅夏陽，何也？晉獻公欲伐虢，荀息

曰：君何不以屈產之乘，垂棘之璧，而借道乎虞也？

荀息，晉大夫。屈，邑名。產，駿馬。

垂棘，出良璧。屈，其勿反。又君勿反。

此晉國之寶也。如受吾幣而不借吾道

則如之何？荀息曰：此小國之所以事大國也。

此謂璧馬之屬。

彼不借吾

道，必不敢受吾幣。如受吾幣而借吾道，則是我取之中府而藏

穀梁傳

卷七

四

永懷堂

之外府，取之中廩，而置之外廩也。公曰：宮之奇存焉。

宮之奇，虞之賢大夫。

○廩音救。奇，其宜反。

必不使受之也。荀息曰：宮之奇之為人，也。達心而懦

懦，弱也。

又少長于君，達心則其言略。

明達之人，言則舉綱領要。不言提其耳，則愚者不悟。懦，則

不能強諫。少長于君，則君輕之。且夫玩好在耳目之前，而患在

一國之後，此中知以上，乃能慮之。臣料虞君中知以下也。公遂

借道而伐虢。宮之奇諫曰：晉國之使者，其辭卑而幣重，必不便

於虞。虞公弗聽，遂受其幣而借之道。宮之奇諫曰：語曰：唇亡則

齒寒。其斯之謂與？

語，諺言也。呼報反。知音智。

挈其妻子以奔曹。獻公亡虢

五年而後舉虞。荀息牽馬操璧而前曰：璧則猶是也，而馬齒加

長矣

猶是言如故  
○長丁丈反

秋九月齊侯宋公江人黃人盟于貫。

貫宋地

**傳**貫之盟不期而至者江人黃人也。江人黃人者遠國之辭也。中國稱齊宋遠國稱江黃以爲諸侯皆來至也。

冬十月不雨。

**傳**不雨者勤雨也。

言不雨是欲得雨之心勤也明君之恤民

楚人侵鄭。

三年春王正月不雨。

穀梁傳

卷七 僖公

五

永懷堂

**傳**不雨者勤雨也。

夏四月不雨。

一時不雨則書首月不言旱不爲災

**傳**一時言不雨者閔雨也。

經一時輒言不雨憂民之至閔憂也

閔雨者有志乎民

者也。

徐人取舒。

六月雨。

**傳**雨云者喜雨也。喜雨者有志乎民者也。

秋齊侯宋公江人黃人會于陽穀。

湯穀  
齊地。

傳陽穀之會。桓公委端摺笏而朝諸侯。委委貌之冠也。端支端之服。摺插也。笏以記事。

者也。所謂衣裳之會。○摺音進。又音箭。朝直達反。諸侯皆諭乎桓公之志。

冬。公子季友如齊莅盟。

傳例曰莅位也。丙之前定之盟。謂之莅。外之前定之盟。謂之來。

傳莅者位也。盟誓之言。素定。今但往其位而盟。其不日。前定也。不言及者。以國

與之也。不言其人。亦以國與之也。

楚人伐鄭。

四年春。王正月。公會齊侯。宋公。陳侯。衛侯。鄭伯。許男。曹伯。侵蔡。蔡

穀。梁傳。卷七 僖公

潰。

傳例曰侵時。而此月蓋為潰。

傳潰之為言。上下不相得也。君臣不和。而自潰散。侵。蔡事也。侵蔡而蔡潰。

以桓公為知所侵也。責得其罪。故裁侵而潰。不土其地。不分其民。明正也。

遂伐楚。次于陘。

楚疆齊欲緩之以德。故不速進而次于陘。陘楚地。○陘音刑。

傳遂繼事也。次止也。

夏。許男新臣卒。

十四年冬。蔡侯貽卒。傳曰諸侯時卒。惡之也。宣九年辛酉。晉侯黑臀卒于扈。傳曰其地于外也。其日未踰竟也。然則新臣卒。

楚故不日耳非惡也

傳諸侯夾于國不地夾于外地夾于師何為不地據宣九年晉侯黑臀卒于

地內桓師也齊桓威德洽著諸侯安之雖卒於外與其其在國同

楚屈完來盟于師盟于召陵

屈完來如陞師盟齊桓以其服義為退一舍次于召陵而與之盟召陵楚地

傳楚無大夫無命卿也其曰屈完何也以其來會桓成之為大夫也

尊齊桓不欲令與卑者盟其不言使權在屈完也邵曰齊桓威陵江漢楚人師先權事之宜以義卻齊遂得與大懼未能量敵遣屈完如

盟以安竟內功皆在完故不言使則是正乎曰非正也臣無自專之道

以其來會諸侯重之也重其宗中國歸有道來者何內桓師也來者內辭也內桓師

穀梁傳 卷七 僖公 七 永懷堂

故言于師前定也于召陵得志乎桓公也得志者不得志也屈完

來盟桓公退于召陵是屈完得其本志屈完得志則桓公不得志以桓公得志為僮矣桓為霸主以會

諸侯楚子不來屈完受盟令問諸江辭又不願僅乃得志言楚之難服屈完曰大國之以兵向楚

何也桓公曰昭王南征不反菁茅之貢不至故周室不祭菁茅香草

所以縮酒屈完曰菁茅之貢不至則諾昭王南征不反我將問

楚之職貢問江邊之民有見之者不此不服罪之言故退于諸江召陵而與之盟屈完所以得志桓公之不得志爾

齊人執陳袁濤塗

袁濤塗 陳大夫

傳齊人者齊侯也其人之何也於是嗾然外齊侯也不正其踰

國而執也。

江熙曰：踰國謂踰陳而執陳大夫主人之不敬者。由客之先不敬主人。嗚然衆有不服之心。故春秋因而譏之。所謂以萬物爲心也。莊十七年齊人執鄭詹傳與其執者。詹奔在齊因執之。嗚昌者反。

秋及江人黃人伐陳。

傳不言其人及之者何。內師也。

八月公至自伐楚。

傳有二事偶。則以後事致。後事小。則以先事致。其以伐楚致。大

伐楚也。

鄭君曰：會爲大事。伐爲小事。今齊桓伐楚而後盟于召陵。公當致會而致伐者。楚疆莫能伐者。故以伐楚爲大事。

事。

葬許穆公。

穀梁傳。

卷七

僖公

八

永懷堂

冬十有二月公孫茲帥師會齊人宋人衛人鄭人許人曹人侵陳。

莊十年春二月公侵宋。傳曰：侵時此其月何也。惡之。故謹而月之。然則凡侵而月者皆惡之。

五年春晉侯殺其世子申生。

傳曰：晉侯斥殺惡晉侯也。

斥指斥。

杞伯姬來朝其子。

傳婦人既嫁不踰竟。踰竟非正也。諸侯相見曰朝。伯姬爲志乎

朝其子也。伯姬爲志乎朝其子。則是杞伯失夫之道矣。

凱曰：不能刑于

寡諸侯相見曰朝。以待人父之道待人之子。非正也。故曰杞伯

姬來朝其子。參譏也。

參譏謂伯姬。杞伯魯侯也。桓九年曹伯使其世子射姑來朝。譏世子此不譏者。明子

隨母行年尚幼弱未可責以人子之道伯姬以莊二十五年夏嫁至今年十三則子幼可知參七南反又音三

夏公孫茲如牟。

公及齊侯宋公陳侯衛侯鄭伯許男曹伯會王世子于首戴。

惠王之世子名鄭後立為襄王首戴衛地○首戴左氏作首止

傳及以會尊之也

言及諸侯然後會王世子不敢令世子與諸侯齊列

何尊焉王世子云

者唯王之貳也云可以重之存焉尊之也何重焉天子世子世

天下也。

秋八月諸侯盟于首戴。

言諸侯者前日而後凡他皆放此

穀梁傳

卷七 僖公

九

求懷堂

傳無中事而復舉諸侯何也尊王世子而不敢與盟也尊則其

不敢與盟何也盟者不相信也故謹信也不敢以所不信而加

之尊者桓諸侯也不能朝天子是不臣也王世子子也塊然受

諸侯之尊已而立乎其位是不子也桓不臣王世子不子則其

所善焉何也是則變之正也

雖非禮之正而合當時之宜

天子微諸侯不享

覲桓控大國扶小國統諸侯不能以朝天子亦不敢致天王尊

王世子于首戴乃所以尊天王之命也世子含王命會齊桓亦

所以尊天王之命也世子受之可乎是亦變之正也天子微諸

侯不享覲世子受諸侯之尊已而天王尊矣世子受之可也

苦貢  
反

鄭伯逃歸不盟。

傳以其去諸侯故逃之也。專已背所故書逃。傳例曰逃義曰逃。

楚人滅弦弦子奔黃。

傳弦國也其不日微國也。

九月戊申朔日有食之。

冬晉人執虞公。

虞公貪璧馬之寶棄兄弟之親拒絕忠諫之口不圖社稷之危故晉命行于虞使下執上虞同于晉是以謂之晉人執虞公江  
卿曰春秋有州公郭公虞公凡三公非爵也傳以為下執之辭嘗試因此論之五等諸侯民皆稱曰公存有王爵之限沒則申

穀梁傳

卷七 億公

十 永懷堂

其臣民之稱州公舍其國故先書州公郭公盜而歸曹故先名而後稱郭公夏陽亡則虞為滅國故直稱虞公三人殊而一致三公外而同一生歟齊稱蓋春秋所賤○舛昌充反

傳執不言所于地縕于晉也。時虞已包裹屬於晉故雖在虞執而不書其處○縕紆紛反裏音果

其曰公何也。據十九年宋人執滕子嬰齊不言公猶曰其下執之辭也臣民執其君故

稱公其猶下執之之辭何也。晉命行乎虞民矣虞服于晉故從虞晉命而執其君

號之相救非相為賜也今日亡號而明日亡虞矣。言明日喻其速

春秋穀梁傳卷七 終

春秋穀梁傳卷八

晉豫章太守順陽范甯集解

明後學東吳葛鼎較訂

僖公

六年春王正月

夏公會齊侯宋公陳侯衛侯曹伯伐鄭圍新城。

傳伐國不言圍邑此其言圍何也據元年楚人病鄭也著鄭伯

之罪也泰曰諸伐國而言圍邑傳皆以為伐者之罪而以此著

盟之美者莫盛於此而鄭伯辟義逃歸違叛霸者是以諸侯伐而圍之罪著于此討顯于下圍伐之文雖同而善惡之義有殊

穀梁傳

卷八

僖公

永懷堂

亦猶相盟不日以明信而相報其文雖同而善惡之義有殊

秋楚人圍許諸侯遂救許

伐鄭之諸侯不言圍邑此其言圍邑何也

傳善救許也公刺齊魯宋曹伯必獲圍陳也

冬公至自伐鄭

傳其不以救許致何也大伐鄭也

七年春齊人伐鄭

夏小邾子來朝

鄭殺其大夫申侯

東吳葛甯集解

傳稱國以殺大夫殺無罪也。

秋七月公會齊侯宋公陳世子款鄭世子華盟于寧母。

寧母某地。○寧母上音如字又音甯。下音無又茂后反左氏作甯。

傳衣裳之會也。

又本又詳傳與音類與音類又。懷自來酒以辨一人之惡申衆人。

公子友如齊。

冬葬曹昭公。

八年春王正月公會王人齊侯宋公衛侯許男曹伯陳世子款盟于洮。

穀梁傳

地。

卷八

僖公

二

永懷堂

傳王人之先諸侯何也。貴王命也。朝服雖敝必加於上。弁冕雖舊必加於首。周室雖衰必先諸侯。兵車之會也。

鄭伯乞盟。

傳以向之逃歸乞之也。

向謂五年逃首戴之盟齊桓為兵車之會于此乃震服懼不得盟故乞得與之。

不錄使者使若鄭伯自來所以狎一人之惡申衆人之善。○向香亮反本又作鄭與音豫使者所吏反。

也。人道貴讓故重是盟也。乞者重辭也。人道貴讓故重是盟也。乞者重辭也。乞者重辭也。乞者重辭也。

知不自來蓋洧之也。洧而與之。○洧由若反又音酌。

夏狄伐晉。

秋七月禘于太廟。

禘三年大祭之名。太廟，周公廟。禮記明堂位曰：季夏六月，以禘禮祀周公于太廟。雜記下曰：孟獻子曰：七月日至，可以有事于禘。七月而禘，獻子為之。案宣九年仲孫孫蔑如京師，於是獻子始見。襄十九年卒，然則失禮非獻子所始明矣。雜記之云：禘所詳也。

甲致夫人。

致，送也。夫人成風也。致之，送之。言夫人之猶音致。于大廟立之以為夫人。案祭人本禮於公亦風也。

傳用者不宜用者也。致者不宜致者也。言夫人必以其氏姓言

夫人而不以氏姓，非夫人也。立妾之辭也，非正也。夫人者正嫡之稱，謂非崇妾之嘉號以妾體君，則上下無別，雖尊其母，是卑其父，故曰非正也。禮有君之母非夫人者，又庶子為後為其母，總是妾不為

穀梁傳

卷八

僖公

三

承懷堂

夫體夫人之，我可以不夫人之乎。夫人卒葬之，我可以不卒葬

之乎。鄭嗣曰：君以為夫人，君以夫人之禮卒葬之。主書者不得以不為夫人也。成風以文四年薨，五年葬，傳終說其事。

一則以宗廟臨之而後貶焉。臣無貶君之義，故于大廟去夫人氏姓以明君之非正。一則

以外之弗夫人而見正焉。秦人來歸僖公成風之祔，不言夫人。○祔音遂。

冬十有二月丁未，天王崩。

也。惠王。

九年春王三月丁丑，宋公禦說卒。

○禦本亦作御說音悅。

夏公會宰周公齊侯宋子衛侯鄭伯許男曹伯于葵丘。

宰官周采地天子三公不  
宰宋子襄公葵丘地名

傳天子之宰通于四海宰天官家宰兼為三公者三公論道之官無事于會盟冢宰掌建邦之六典以

佐王治邦國故曰通于四海宋其稱子何也宋葬之辭也禮柩在堂上孤無

外事今背殯而出會以宋子為無哀矣殯木如梓塗之曰殯服人殯于西階之上宋殿後也

○柩其救反橫木才官反

秋七月乙酉伯姬卒

傳內女也未適人不卒此何以卒也許嫁笄而字之歾則以成

人之喪治之女子許嫁不為殤死則以成人之喪治之謂許嫁于諸侯尊同則服大功九月吉笄以象為之刻鏤

其首以為飾成人著之○笄古方反殤式羊反著下略反

穀梁傳 卷八 僖公

九月戊辰諸侯盟于葵丘

傳桓盟不日此何以日美之也為見天子之禁故備之也何休

即日為美其不日皆為惡也桓公之盟不日皆為惡邢莊十三

年柯之盟不日為信至此日以為美義相反也鄭君釋之曰何

之盟不日固始信之自其後盟以不日為平文從陽殺已來至

此葵丘之盟皆令諸侯以天子之禁桓德極而將衰故備日以

美之自此不復盟矣○為見于僞反下賢偏反復扶又反

葵丘之盟陳牲而不殺所謂無殺血之盟鄭君曰盟牲諸侯用牛大夫用

讀書加于牲上壹明天子之禁也○飲木又作插猴音加

甲子晉侯詭諸卒

子嬀子母以妾為妻母使婦人與國事女正位於內母易樹

獻公也。枉殺世子申生，失德不葬。○說諸左氏作僖諸。

冬，晉里克殺其君之子奚齊。

傳其君之子云者，國人不子也。國人不子，何也？不正其殺世子。

申生而立之也。諸侯在喪，稱子，言國人

十年春，王正月，公如齊。

狄滅溫，溫子奔衛。

晉里克弑其君卓，及其大夫荀息。

傳以尊及卑也，荀息，閔也。

夏，齊侯許男伐北戎。

穀梁傳 卷八 僖公

晉殺其大夫里克。

傳稱國以殺罪累上也。里克弑二君與一大夫。二君奚齊、卓子

其以累上之辭言之何也？據有罪其殺之不以其罪也。其殺之不

以其罪，奈何？里克所為弑者，為重耳也。殺奚齊、卓子者，欲以重

公○所為于僖反下夷吾曰：是又將殺我乎？故殺之，不以其罪

也。其為重耳弑，奈何？晉獻公伐虢，得麗姬，獻公私之，有二子，長

曰奚齊，稚曰卓子。麗姬欲為亂，亂謂殺申生而立故謂君曰：吾

夜者夢夫人趨而來曰：吾苦畏，夫人，申生母胡不使大夫將衛士而

衛冢乎？公曰：孰可使？曰：臣莫尊於世子，則世子可。故君謂世子

曰麗姬夢夫人趨而來曰吾苦畏女其將衛士而往衛冢乎世  
子曰敬諾築宮宮成麗姬又曰吾夜者夢夫人趨而來曰吾苦  
饑世子之宮已成則何為不使祠也故獻公謂世子曰其祠世

子祠已祠致福於君君田而不在麗姬以醜為酒藥脯以毒獻

公田來麗姬曰世子已祠故致福於君君將食麗姬跪曰食自

外來者不可不試也覆酒於地而地賁賁澆起也○女者故下皆同祠自絲反醜直蔭

反責扶紛反以脯與犬犬歠麗姬下堂而啼呼曰天乎天乎國子之

國也子何遲於為君君喟然歎曰吾與女未有過切吾與女未有過差切

急是何與我之深也使人謂世子曰爾其圖之世子之傳里克

穀梁傳

卷八

僖公

六

永懷堂

謂世子曰不自明入自明則可以生不入自明則不可以生世

子曰吾君已老矣已昏矣吾若此而入自明則麗姬必歠麗姬

歠則吾君不安所以使吾君不安者吾不若自歠吾寧自殺以

安吾君以重耳為寄矣慮麗姬又諧重耳故以託里克使保全之勿脰而歠○脰音豆故

里克所為弑者為重耳也夷吾曰是又將殺我也

秋七月

冬大雨雪

○雨于付反

十有一年春晉殺其大夫平鄭父

○平浦  
悲反

傳稱國以殺罪累上也。

夏公及夫人姜氏會齊侯于陽穀。

私八月大雩。

傳雩月正也雩得雨曰雩不得雨曰旱。

禮龍見而雩常祀不書書者皆以旱也故得雨

則喜以月為正也不得雨則書旱明旱災成何休曰公羊書雩者善人君應變求索不雩則言旱旱而不害物言不雨也就如

穀梁設本不雩何以明之如以不雨明之設旱而不害物何以別乎鄭君釋之曰雩者夏祈穀實之禮也旱亦用焉得雨書雩

明雩有益不得雨書旱明旱災成後得雨無及也國君而遭旱雖有不憂民事者何乃廢禮本不雩禱哉顧不能致精誠也旱

而不害物固以久不雨別之文二年十三年自十有二月自正月不雨至于秋七月是也穀梁傳曰歷時而言不雨文不閔雨

梁傳

卷八

僖公

七

永懷堂

也以文不憂雨故不如僖時書不雨文所以不閔雨者素無志於民性退弱而不明又見時久不雨而無災耳○雩音于龍見

賢徧反下同

冬楚人伐黃。

十有三年春王正月庚午日有食之。

夏楚人滅黃。

傳貫之盟管仲曰江黃遠齊而近楚楚為利之國也君伐而不

能救則無以宗諸侯矣。

宗諸侯謂諸侯宗之貫古亂反為于僞反

桓公不聽遂與

之盟管仲歎楚伐江滅黃桓公不能救故君子閔之也。

閔其貪

以政  
滅

私七月

冬十有二月丁丑陳侯杵臼卒。

十有三年春狄侵衛。

夏四月葬陳宣公。

公會齊侯宋公陳侯衛侯鄭伯許男曹伯于鹹。

鹹音咸

傳兵車之會也。

秋九月大雩。

冬公子友如齊。

穀梁傳

卷八 僖公

八

永懷堂

十有四年春諸侯城緣陵。

緣陵 杞邑

傳其曰諸侯散辭也。直口諸侯無大小之序是各自欲城曰散何也。據言諸侯城則是聚諸侯城有散辭也桓德衰矣。言諸侯城則非伯者之為

何知也齊桓德衰所以散也何休曰案先是盟亦言諸侯非散也又穀梁美九年諸侯盟于葵丘即散何以美之邪鄭君釋之

也九年公會宰周公齊侯宋子衛侯鄭伯許男曹伯於葵丘九月戊辰盟于葵丘時諸侯初在會未有歸者故可以不序今此

十三年夏公會齊侯宋公陳侯衛侯鄭伯許男曹伯於鹹而冬

而子友如齊此聘也書聘則會固前已歸矣今云諸侯城緣陵

而不序其人明其散桓德衰矣癸丘之事安得難此○難乃旦反

夏六月季姬及繒子遇于防使繒子來朝。

遇例時此非所宜遇故謹而月之。○繒在稜反朝直透反

**傳遇者同謀也**魯女無故遠會諸侯遂得淫通此亦事之不然左傳曰繒季姬來寧公怒之以繒子不朝遇于

防而使來朝**來朝者來請已也**使來朝請已為妻**朝不言使言使非正**

**也**以病繒子也公刺繒繒死繒子畏曹公盟于坵丘

秋八月辛卯沙鹿崩

沙鹿晉山

**傳**林屬於山為鹿**沙山名也無崩道而崩故志之也其日**

**重其變也**劉向曰鹿在山下平地臣象陰位也崩者散落背叛不事上之象

狄侵鄭

穀梁傳

卷八 僖公

九 永懷堂

冬蔡侯臆卒

臆許乞反

**傳**諸侯時卒惡之也惡烏路反

十有五年春王正月公如齊

楚人伐徐

三月公會齊侯宋公陳侯衛侯鄭伯許男曹伯盟于牡丘

牡丘地名

**傳**兵車之會也

遂次于匡

救徐也時楚人伐徐匡衛地

傳遂繼事也次止也有畏也楚

公孫敖帥師及諸侯之大夫救徐

諸侯既盟次匡皆遣大夫將兵救徐故不復具列諸國

傳善救徐也

夏五月日有食之頃且不甚頃

夜食

秋七月齊師曹師伐厲

徐逸曰案齊桓末年用師及會皆危之而月也于時霸業已衰勤王之誠替于內震矜之容見於外禍釁既光動接危理故月

穀梁傳

卷八 僖公

十

永懷堂

眾國之君雖有失道未是為一世與衰齊桓威攝羣后政行天下其得失皆治亂所繫故春秋重而詳之錄所善而著所危云

八月螽

傳螽蟲災也甚則月不甚則時

九月公至自會

莊二十七年傳曰桓會不致安之也而此致者齊桓德衰故危而致之

季姬歸于緡

已卯晦震夷伯之廟

夷謠伯宗

冥也震雷也夷伯魯大也因此以見天子至于士皆有

明夷伯之廟過制天子七廟皇考廟顯考廟祖考廟有二

故因此以言禮天子七廟皇考廟顯考廟祖考廟有二

稱禘諸侯五廟顯考廟祖考廟大夫三廟皇考廟士二

日考廟故德厚者流光德薄者流卑難曰德厚者位尊道隆者

祭祖而已是以貴始德之本也始封必為祖若契為殷祖棄為

而巳是以貴始德之本也始封必為祖周祖○契息列反

楚人敗徐于婁林

婁林徐地

傳夷狄相敗志也

穀梁傳卷八 僖公

十有一月壬戌晉侯及秦伯戰于韓

韓音地

獲晉侯

獲者不與之辭諸侯非可相獲

韓之戰晉侯失民矣以其民未敗而君獲也

十有六年春王正月戊申朔隕石于宋五

劉向日石陰類也五陽數也象陰而陽行將隕皇法廟致隊落○行下孟反下陰行同隊直類反三日隕于宋

傳先隕而後石何也據莊七年星隕如雨先言星後言隕隕而後石也既隕後乃

于宋四竟之內曰宋後數散辭也耳治也隕石記聞也問其確然視之則不察之則

五。○竟音境。治直吏反。不目。治同。碩之人反。又大年反。

### 是月六鷁退飛過宋都。

是月。碩石之月。劉向曰。鷁陽也。六陰數也。象陽而陰行必衰退。○鷁五歷反。

一傳是月者。決不日而月也。欲著石日鷁月故言是月若六鷁退

飛過宋都。先數聚辭也。自治也。六鷁退飛。記見也。視之則六。子

曰石無知之物。鷁微有知之物。石無知。故日之。石無知而慎。必

而日鷁微有知之物。故月之。鷁或時自欲退飛。再是以略而月之。君子之于物無

所苟而已。石鷁且猶盡其辭。而况于人乎。故五石六鷁之辭不

設。則王道不亢矣。不遺微細。故民所聚曰都。

### 穀梁傳 卷八 借公

三月壬申。公子季友卒。

一傳大夫日卒。正也。季友桓公之子。稱公弟叔仲賢也。大夫不言公子公

孫疏之也。

夏四月丙申。繪季姬卒。

秋七月甲子。公孫茲卒。

一傳大夫日卒。正也。

有二月。公會齊侯。宋公。陳侯。衛侯。鄭伯。許男。邢侯。曹伯。于淮。

兵車之會也。

七年春。齊人徐人伐莒氏。

夏滅項。

傳孰滅之桓公也。何以不言桓公也。據莊十年齊師滅譚稱齊師。為賢者諱也。項國也。不可滅而滅之乎。桓公知項之可滅也。知政昏亂而易可滅。而

不知已之不可以滅也。霸者存恤鄰國抑疆輔弱義不可滅人之國。既滅人之國矣。

何賢乎。君子惡惡疾其始。絕其始則得不終於惡。邵曰謂疾其初為惡之專不終身疾之。○惡惡並如字又。

善善樂其終。樂賢者終其行也。邵曰謂始有善專則終身善之。○行下孟反。桓公嘗有

存亡繼絕之功。故君子為之諱也。謂立僖公所以終其善。邵曰存亡謂存邢衛繼絕。

秋。夫人姜氏會齊侯于卞。

卞魯地。

穀梁傳

卷八 僖公

三

永懷堂

九月。公至自會。

桓會不致而今致會。桓公德衰威信不著。陳列兵車。又以滅項往會。既非踰年乃反。故往還皆月以危之。

冬。十有二月乙亥。齊侯小白卒。

傳此不正其日之何也。據二十四年晉侯夷吾卒不書日。其不正前見矣。其不

正之前見何也。以不正入虛國。故稱嫌焉爾。莊九年齊小白入于齊。賤不稱公子。

虛國謂齊無人傳例。曰以國氏者嫌也。

十有八年春。王正月。宋公曹伯衛人。邾人伐齊。

傳非伐喪也。伐喪無道。故謹而月之。

夏師救齊。

師

**傳善救齊也。**

五月戊寅宋師及齊師戰于贏。

贏齊地。○贏魚。輦反。又音言。

**齊師敗績。**

**傳戰不言伐。客不言及。言及惡宋也。**

何休曰：戰言及者，所以別容主直不直也。故文十二

年，晉人秦人戰于河曲，兩不直，故不云及。今宋言及，明直在宋，非所以惡宋也。節言及，為惡。是河曲之戰為兩善乎？又穀梁以河曲不言及，略之也。則自相反矣。鄭君釋之曰：及者，別異客主耳。不施於直與不直也。直不直自在事而已。義兵則容直，宣十二年夏，晉荀林父帥師及楚子戰于鄆，晉師敗績是也。兵不義，則主人直。莊二十八年春，衛人及齊人戰，衛人敗績是也。今齊

**穀梁傳**

卷八 僖公

十四

永懷堂

伯卒，宋葬，宋襄欲興霸事而伐，喪於禮。尤反，故反其文。以宋及齊，節實以宋及齊，明直在宋，鄭之戰直在楚，不以楚及晉，何邪？秦晉戰于河曲，不言及，疾其亟戰，爭舉兵，故略其先後。

**狄救齊。**

**傳善救齊也。**

秋八月丁亥葬齊桓公。

豎刁易牙爭權，五公子爭立，故危之。○刁音雕。

冬，邢人狄人伐衛。

**傳狄其稱人，何也？善累而後進之。**

累積。伐衛所以救齊也。何休曰：節伐衛

救齊，當兩舉。如伐楚，救江矣。又傳以為江遠，楚近，故伐楚救江。今狄亦近衛而遠齊，其事一也。義異何也？鄭君釋之曰：文三年

冬晉陽處父帥師伐楚救江兩舉之者以晉未有救江文故明  
言之今此春宋公曹伯衛人邠人伐齊夏狄救齊冬邠人狄人  
伐衛爲其救齊可知故**功近而德遠矣**  
伐衛功近耳夷狄而  
憂中國其德遠也

秋穀梁傳卷八

終

穀梁傳

卷八

衛公

五

永懷堂

